

大樓炭經卷第一

西晉沙門法立共法炬

譯

閻浮利品第一

聞如是一時佛遊於舍衛祇樹給孤獨園與大比丘衆千二百五十人俱。爾時衆比丘飯已後會於講堂上坐。共議言可怪未曾有是天地云何破壞云何成就。佛徹聽通聞諸比丘飯已後於講堂共坐。議此事佛即起到講堂坐問諸比丘向者會議此何等諸比丘白佛言飯已後於講堂上共議可怪未曾有是天地云何破壞云何成就。但共議是事耳。佛告諸比丘。欲從如來聞知是天地成敗時。不諸比丘白佛言。唯天中天。今正是時。應為諸比丘說知天地成敗時。比丘從佛聞即當持之。佛告諸比丘。諦聽善。思念之。今為汝說。諸比丘言。唯然。世尊。願欲聞知。佛言。諸比丘。如一日月旋照四天下。時亦所四天下。世界有十日。月有千須彌山。王有四千天下。四千大海。水四千大龍宮。四千大金

翅鳥四千惡道。四千大惡道。七千種種大樹。八千種種大山。萬種種大泥犁。是名為一小千世界。如一千小世界。亦所小千世界。是名為中千世界。如一中千世界。亦所中千世界。是名為三千世界。悉成敗。是為一佛刹。佛言。比丘。是地深六百八十万由旬。其邊無限。其地立水上。其水深四百六十万由旬。其邊無限。有礙大風。持水其風深二百三十万由旬。其邊際無限。比丘。其大海深八百万由旬。其邊際無限。崖底比丘。須彌山王入大海。水深八万四千由旬。高亦八万四千由旬。下狹上稍廣。廣上正平。種種合四類。在上止。悉滿無空缺。處諸大尊神。亦在上止。諸尊復尊大神。志在上居。止忉利天宮。在須彌山上。過忉利天。上有焰天。過焰天。有兜率天。上過兜率天。有居摩羅天。過居摩羅天。上有波羅尼蜜和耶越致天。過是上有梵迦夷天。過是上有魔天。其宮廣長二十四万里。宮壁七重。欄楯七重。刀分七重。行樹七重。同

大樓炭經卷第一 第三十二

而皆以七寶。畫妙好金。銀水精。琉璃。馬瑙。赤真珠。車渠。金壁。銀門。銀壁。金門。琉璃。壁。水精。門。水精。壁。琉璃。門。赤真珠。壁。馬瑙。門。馬瑙。壁。赤真珠。門。車渠。壁。一切衆寶。門。來畫妙好。皆以七寶。作之。金欄。楯。金柱。枅。銀枅。銀欄。楯。銀柱。枅。金枅。琉璃欄。楯。琉璃柱。枅。水精欄。楯。水精柱。枅。琉璃枅。赤真珠欄。楯。赤真珠柱。枅。馬瑙枅。馬瑙欄。楯。馬瑙柱。枅。赤真珠枅。車渠欄。楯。車渠柱。枅。一切妙寶。作之。金刀。分者。銀垂。銀刀。分者。金垂。琉璃刀。分者。水精垂。水精刀。分者。琉璃垂。赤真珠刀。分者。馬瑙垂。馬瑙刀。分者。赤真珠垂。車渠刀。分者。一切寶。垂。金樹。金根。金莖。銀枝。葉。花。寶。銀樹。銀根。銀莖。銀枝。葉。華。寶。琉璃樹。琉璃根。琉璃莖。琉璃枝。葉。華。寶。水精樹。水精根。水精莖。水精枝。葉。華。寶。赤真珠樹。赤真珠根。赤真珠莖。赤真珠枝。葉。華。寶。馬瑙樹。赤真珠根。赤真珠莖。赤真珠枝。葉。華。寶。車渠樹。車渠根。車渠莖。車渠枝。葉。華。寶。彩畫。姝好。皆以七寶。金。銀。琉璃。水精。赤真珠。車渠。馬瑙。其門上有曲箱。蓋。欄。楯。

大樓炭經卷第一 第三十二

上有交露樓觀下有園觀含宅浴池生華種種樹種種葉種種華種種實出種種香種種飛鳥各各悲鳴過魔天上有梵迦夷天過梵迦夷天上有阿衛貨天過是上有首皮斤天過是有比呼破天過是已有無人想天過是已有阿和天過是已有答和天過是已有名須達稱天過是已有須陀尸天過是已有阿迦尼咤天過是已有天名阿竭憍天過是已有天名識知過是已有天名阿因過是已有天名無有思想亦不無想方至其上有人生老病死往還不復過其上數佛言比丘須弥山王以四寶作城琉璃水精金銀須弥山王北有天下名鬱單曰廣長各四十万里正方須弥山王東有天下名弗于逮廣長各三十六万里同正圓須弥山王西有天下名俱耶厘廣長各三十二万里如半月形須弥山王南有天下名閼浮利廣長各二十八万里北廣南狹須弥山王北脅天金照北方天下須弥山王東脅天銀照東方天下須弥山王西脅天水精照西方天下

大樓炭經第一卷

75.94

92

須弥山王南脅天疏補照南方天下
北方天下有樹名銀莖園二百八十
里高四千里枝葉分布二千里東方
天下有大樹名條莖園二百八十里
高四千里枝葉分布二千里俱耶尼
天下有樹名斤莖園二百八十里高
四千里枝葉分布二千里其樹上有
石牛高四十里間浮利天下有大樹
名間高四千里莖園二百八十里枝
葉分布二千里金翅鳥王及龍有樹
名駒利眼高四千里莖園二百八十
里枝葉分布二千里阿須倫有大樹
名善畫過度高四千里莖園二百八十
里枝葉分布二千里忉利天有樹名
度畫高四千里莖園二百八十里枝
葉分布二千里大海北有大樹名間
高四千里莖園二百八十里枝葉分
布二千里北方地空中有藥樹名善
廣長各二千里復有藥樹名間破廣
長各二千里復有藥樹名多廣長各
二千里復有藥樹名多廣長各二
千里復有藥樹名男廣長各二千里
復有藥樹名女廣長各二千里復有

六十一

卷五

44

藥樹名小兒廣長各二千里復有藥樹名柏廣長各二千里復有藥樹名梓廣長各二千里復有藥樹名佳路廣長各二千里復有藥樹名般奈廣長各二千里復有藥樹名比羅廣長各二千里復有藥樹名大利廣長各二千里復有藥樹名安石榴廣長各二千里復有藥樹名陂隆廣長各二千里復有藥樹名阿摩勒廣長各二千里復有藥樹名呵梨勒廣長各二千里復有藥樹名比醯勒廣長各二千里復有藥樹名華廣長各二千里復有藥樹名竹廣長各二千里復有藥樹名拖羅廣長各二千里復有藥樹名合羅廣長各二千里復有藥樹名瓜廣長各二千里復有藥樹名大瓜廣長各二千里復有藥樹名脫華廣長各二千里復有藥樹名浴陂廣長各二千里復有藥樹名須女華廣長各二千里復有藥樹名皮羅廣長各二

卷一

第六

美

千里復有藥樹名和師廣長各二千里復有藥樹名茹夷廣長各二千里復有藥樹名投鮮廣長各二千里復有藥樹名蒲萄廣長各二千里過是空地其空地中復有優鉢華池二千里紅蓮華池二千里白蓮華池二千里黃蓮華池二千里毒地池二千里過是已地空其空中有海鬱裨從東西流入大海其鬱裨海中見轉輪王亦知天下有轉輪王見遊行時跡鬱裨北有山名鬱單茹佛語比丘其山甚樂殊好樹木生葉華實甚香畜歌鳥無所不有無與等者也佛言比丘其鬱單茹山甚樂殊好巍巍鬱單茹山有山名須桓都其山有八万窟中有八万鳥皆在中止其為七日一食有六牙上廣下狹牙齒間念金填過須都鉢山次有山名冬王甚高過億山上高四千里上有水名阿都達廣長二千里其底沙皆金其水涼冷軟美且清以七寶金銀琉璃水精赤真珠車渠瑪瑙作壘其四面起牆亦布底有七重欄楯七重行樹周匝圍繞

大樓炭經卷第一

七寶交露彩畫殊好阿耨達龍王水四面有陛金陛銀陛琉璃陛金陛琉璃陛水精陛水精陛琉璃陛赤真珠陛馬瑙陛馬瑙陛赤真珠陛車渠陛七寶陛陛上有曲箱蓋皆有欄楯有交露樓觀其水中有青蓮華紅蓮華白蓮華黃蓮華華亦有火色者金色者青色者紅色者赤色者白色者周匝大如車輪其莖大如車轂若剗其汁出如乳色其味如蜜阿耨達龍王宮在其水中宮名般闍兜阿耨達龍王在中止其龍有何等寶何謂為阿耨達龍過阿耨達龍天下餘諸龍王以三熱見燒阿耨達龍王不以三熱見燒復次天下諸餘龍王過阿耨達龍王餘龍王熱沙雨身上燒炙焦草燒革已燒膚燒骨已燒筋燒節已燒骨燒骨已燒髓燒炙甚毒痛過阿耨達龍王餘龍王皆見熱阿耨達龍王獨不熱是故名為阿耨達是為第一事復次天下過阿耨達龍王餘龍王起淫欲事相向時熱風來吹其身熱龍身即失無顏色得地身受惡不善云

大樓炭經卷第一

大樓炭經卷第一

下諸所龍王過阿耨達諸龍王得熱阿耨達龍王獨無熱是故名為阿耨達是為二事復次天下諸龍王過阿耨達龍王餘龍王諸金翅鳥王悉入其宮悉恐怖取食之若金翅鳥自念言欲入阿耨達龍王宮適念是便自無央數災變及其身過阿耨達龍王天下餘龍王皆見是毒熱阿耨達龍王三圖不見熱是故名阿耨達是為三事以三事故名為阿耨達龍王東有大流江下行一江有五百部河繞阿耨達龍王東流入大海阿耨達龍王南有大江名和叉有五百部河繞阿耨達龍王流入大南海阿耨達龍王西有大江名信陀有五百部河繞阿耨達龍王入大西海阿耨達龍王北有大江名斯頭有五百部河繞阿耨達龍王入北海冬王山南有國名維耶離維耶離北有七黑山黑山次有七仙人婆羅門在中止一者名機機榆二者名施泥犁三者名鬱單四者名禪五者名迦地六者名優多羅七者名波祇頭有山名和雲摩過

大樓炭經卷第一

七仙人婆羅門北有山名輒陀摩訶街中有兩窟一者名畫二者名善畫以七寶作之金銀琉璃水精亦真珠車渠馬瑙細軟如綿衣畫善畫窟北有樹王名善住有八千樹王國繞之善住王樹下有為王名善住在下北有八千為周而圍繞之善住王樹北有浴池名摩那摩以七寶金銀水精琉璃亦真珠車渠馬瑙作璽疊之邊有八千浴池周而圍繞其水皆涼冷美軟且清其底沙皆金以七寶金銀水精琉璃亦真珠車渠馬瑙作七重欄楯七重交露七重行樹周而圍繞其池甚妙好金欄楯者金柱狀銀枕銀欄楯者銀柱狀金枕琉璃欄楯者琉璃柱狀水精枕水精欄楯者水精柱狀琉璃枕亦真珠欄楯者亦真珠柱狀馬瑙枕馬瑙欄楯者馬瑙柱狀亦真珠枕車渠欄楯者車渠柱狀一切寶枕金交露者銀垂瑤銀交露者金垂瑤琉璃交露者水精垂瑤水精交露者琉璃垂瑤亦真珠交露者馬瑙垂瑤馬瑙交露者亦真珠垂瑤車渠

大藏經卷第一 第十張 映

交露者一切寶垂瑤皆以七寶作甚殊好金樹者金枝根銀莖葉華寶銀樹者銀枝根金莖葉華寶琉璃樹者琉璃根枝水精莖葉華寶水精樹者水精根枝琉璃莖葉華寶亦真珠樹者亦真珠根枝馬瑙莖葉華寶馬瑙樹者馬瑙根枝亦真珠莖葉華寶車渠樹者車渠根枝一切寶莖葉華寶以七寶作皆殊好摩那摩池周而四圍以七寶金銀水精琉璃亦真珠車渠馬瑙作金階銀枕銀階金枕水精階琉璃枕琉璃階水精枕亦真珠階馬瑙枕馬瑙階亦真珠枕車渠階一切寶枕以七寶作甚殊好階上有由箱蓋欄楯上有交露樓觀下有園觀舍宅有浴池樹生種種華種種實出種種香中有種種飛鳥相和悲鳴摩那摩池中有青蓮華黃蓮華白蓮華赤蓮華中有紅色者金色者青色者黃色者赤色者白色者種種雜色者其華大周而如車輪其莖周而如車轂其華斷者出其汁如乳其味如蜜善住為王念欲入池中洗浴相娛樂時即念八千為王亦時八千為王言善住為王已念

大藏經卷第一 第二張 映

我等即共往至善住為王所在前住時善住為王與八千為王俱往至摩那摩池諸為中有為王持蓋者中有扇者周而圍繞時中有舍血名機那在前歌儻作伎樂時善住為王至摩那摩池中洗浴作伎樂相娛樂中有為王洗鼻口者中有洗牙齒者中有洗頭者中有洗背者中有洗腹者中有洗膝者中有洗膝者中有洗足者中有洗尾者中有拔華根洗之以與王食者中有以青蓮華黃蓮華赤蓮華白蓮華以鼻歷持散為王頭上者亦時善住為王洗浴相娛樂飲食已便還至善住樹下其八千為王各各入其池洗浴作伎樂相娛樂飲食已便還至善住為王所亦時善住為王與八千為王俱前後圍繞還至善住樹下中有為王持蓋者中有扇者在前作伎樂歌儻至善住樹間為王從意卧起行步其餘八千為王亦隨意在樹間卧起行步從意所欲諸八千為王樹中有園四丈九尺中有樹園五丈六尺中有樹園六丈三尺

大藏經卷第一 第三張 映

中有樹圍七丈七尺中有樹圍八丈四尺中有樹圍九丈一尺中有樹圍九丈五尺中有樹圍十丈五尺中有樹圍十一丈二尺善住為王樹莖圖十丈九尺是八千樹枝素墮落時風便吹著外其八千為王大小便時諸鬼神皆除著外佛言比丘善住為王威神尊魏魏乃如是畜生含血之類乃有此

大樓炭經鬱單曰品第二

佛語比丘鬱單曰天下周幣廣長各四十萬里北方天下有種種山無央數其河兩邊有種種樹河水徐行有種種華水中葉流河兩邊有船彩畫姝好以四寶金銀琉璃水精作之北方天下中央有浴池名難陀廣長四千里其水涼軟且清有七重壁水底沙皆金難陀浴池周幣四面有陞以四寶金銀琉璃水精作之金陞銀挑銀陞金挑琉璃陞水精挑水精陞琉璃挑難陀池中有青蓮華黃蓮華白蓮華赤蓮華中有紅色者金色者青色者黃色者赤色者白色者周幣根莖若

大樓炭經卷第二

大樓炭經卷第二

斷者出其汁如乳其味如蜜光照四十里其香亦聞四十里難陀浴池東有河名已味難陀浴池南有河名修竭難陀浴池西有河名大土難陀浴池北有流河名善種是諸河水皆徐行中有葉流行華河兩邊有種種樹以金銀琉璃水精作河兩邊際難陀浴池東有園名賢上有七重欄楯七重交露七重行樹周幣園遠以四寶作之姝好金銀水精琉璃寶上園中有香樹生華寶樹者出種種香有檮香樹生華寶樹者出種種香有衣被樹有理路樹有不息樹有生花寶若樹者出種種衣被璎珞出種種不息有菓樹器樹音樂樹生花寶寶樹者出種種器種種果種種音樂樹高七里至高六里五里四里三里二里寂卑者高一里難陀浴池南有園觀名與賢有七重欄楯七重交露七重行樹周幣園繞以四寶作之中有香樹檮香樹衣被樹璎珞樹不息樹器樹菓樹皆有華寶寶樹者各各出種種香檮香衣被璎珞不息器果

大樓炭經卷第二

種種音樂樹寂小者高十里二十里四十里上至七十里難陀浴池西有園觀名羅越以四寶作七重欄楯七重交露七重行樹周幣園遠諸所出生高卑亦如東方園觀難陀浴池北有園觀名常有華亦以四寶金銀水精琉璃作七重欄楯七重交露七重行樹周幣園遠諸樹所出生高卑亦如東面園北方天下有樹曲合如交露北方天下人在下卧起男女各異處有淨潔粳米不耕種自然生出一切味欲食者取淨潔粳米炊之有珠名焰味著金下光出熟飯四方人來悉共食之食未竟亦不盡無盜賊惡人無言我妻子無田作者飯已面色潤澤有威神男子女人若婬欲意起相視無所語男子便在前女人隨後行至園觀入中共相娛樂二日三日若至七日各自隨意罷去不相屬也女人懷妊七日八日便生若男若女便持著四微道中若有人從東西南北來者與指嚀之出乳飲之七日已後自以福德即長大辟如閻浮利人年二十若二十

大樓炭經卷第二

五時北方天下周帀四方有水名阿
耨達後夜起雲天雨八味水如人飯
食頃洗浴北方天下淹塵塵不復起
譬如藕麻油塗地塵不起北方天下
亦如是地塵不起譬如不息工師若
不息工弟子以種種華結作不息左
手持之右手以水洗不息無塵北方
天下如是地不起塵常有流水生草
樹常有素華實中有草青譬如孔雀
翅色其香如香香足踏上即陷四寸舉
足還復如故北方天下人欲至賢上
圍觀中遊戲相娛樂即時去乘船至
岸邊脫衣沐浴相娛樂已便乘船度
河往至香樹間取香塗身至衣板樹
間取衣著至不息樹間瑠璃樹間器
樹間果樹間音樂樹間取璫不不息
著之取器音樂便往至賢上圍觀熟
時亂風吹掃賢上圍觀地伊蘭風至
吹落華墮地至人膝時北方天下
悉入賢上圍觀中遊戲相娛樂二日
三日至七日已後各自罷去隨意無
所繫屬亦復至與賢上圍觀羅越常
有華圍觀亦如是北方天下人欲食

大樓炭經第一卷 第十六張 映

時取淨粳米炊之以熾味珠光炊其
下熟飯東方西方南方北方若有人
來至其所者皆飯食之其食亦不盡
至人食已北方天下人有樹名烏兜
交曲上合如交露人民在上止宿男
女各異處北方天下人通齒駁紺青
色長八尺人民面色同等長短亦等
女人亦如是人民行十善事不復相
教作行也皆壽千歲無數減者死後
有生切利天上者有生焰天上者有生
兜率天上者有生居摩羅天上者有生
波羅尼塞天上者天上壽盡下生閻浮
利天下人間即生大豪貴家若婆羅
門大長者家北方天下人大小便時
辟沒地中其地清潔無有聚糞臭處
北方天下人男子女人死時好為衣
被之莊嚴不啼哭取者四衢道中有
鳥名鬱遮舉取死人者北方天下外
何以故名鬱單曰鬱單曰天下勝是
三天下復最上是故名鬱單曰鬱單曰
天下人民食清淨粳米無有盜賊無
有惡者無言我婦無言我子顏色甚
好有威神無短命者死已後生善處
具故名鬱單曰

大樓炭經第一卷 第十六張 映

大樓炭經轉輪王品第三之一

佛語比丘世間有轉輪王時自然生
七寶有四德何等為七者金輪寶
二者白鳥寶三者紺色馬寶四者明
月珠寶五者玉女寶六者藏聖臣寶
七者導道聖臣寶轉輪王其金輪何
類王以十五日月滿時沐浴便上高
觀上與姝女共坐見東方有自然天
金輪來有千輻皆完具悉以天金所
成高一丈四尺王見已自念言我從
先聖聞若王十五日月滿沐浴上高
觀與姝女俱坐見東方自然金輪者
即得作轉輪王王自念欲試天金輪
介時轉輪王便試天金輪即便會四
部兵往至天金輪所整衣服長跪叉
手持右手拍金輪使東飛金輪即東
飛轉輪王即與四部兵及家室親屬
悉隨之飛四天王天上諸天皆亦在
金輪前飛行金輪所至止處轉輪王
便與四部兵家室親屬皆止宿其中
介時東方帝于逮諸王以金鈴盛滿
銀粟銀鈴盛滿金粟其往至轉輪王
所白言天玉來大善東方諸城國界

大樓炭經第一卷 第十六張 映

富樂熾感安隱五穀豐熟人民眾多
珍寶泉多工巧者饒明月珠玉琉璃
白為馬牛羊奴婢米穀豐饒倉庫儲
滿願大王止此我等承受其教轉輪
王便告諸王言諸賢等各自治國以
正法莫行非法諸賢等但莫教生真
盜竊莫犯人婦女莫妄語罵詈惡口
兩舌莫念惡當慈心為政具奉行如
是者則為受我教今時諸小王持國
界奉上轉輪王轉輪王即住案行更
方諸國於其中止頻無央數歲相娛
樂快樂飯人得東海內忠屬已便還
南方間浮利天下王降伏亦如是復
與家室親屬及四部兵金輪在前飛
行復至西方俱耶丘亦如是復至北
方鬱單曰天下亦如是四天王上諸
天皆在金輪前飛金輪所至到處轉
輪王與家室親屬四部兵止頻其中
亦時北方諸小王以金鉢盛滿銀粟
以銀鉢盛滿金粟共往至轉輪王所
自言天王來大善北方諸城國界富
樂熾感安隱五穀豐熟人民珍寶泉
多工巧者饒明月珠玉琉璃泉馬牛

大樓炭經第一卷

第十一卷

羊奴婢米穀豐饒倉庫儲滿願大王
止此我等承受其教轉輪三便告諸
小王言賢等各自治國以正法莫行
非法賢等莫殺生莫盜竊莫犯人婦
女莫妄語罵詈惡口兩舌莫念人惡
當念慈心為正見奉行如是者即
為受我教今時諸小王持國界奉
上轉輪王案行北方諸國於其中止
頻無央數歲相娛樂快樂飲食得北
海內忠屬已便與家室親屬及四部
兵還間浮利天下間浮利天下更相
更魏魏其金輪亦今時便量度東西
長四百八十里南北廣二百八十里
諸天為轉輪王造起城壁七重七重
欄楯七重交露七重行樹周匝園遶
彩畫殊好皆以七寶金銀水精琉璃
赤真珠車渠馬瑙金壁銀門銀壁金
門琉璃壁者水精門水精壁者琉璃
門赤真珠壁者馬瑙門馬瑙壁者赤
真珠門車渠壁者一切寶門城周匝
四方有門金欄楯者金柱枅銀枅銀
欄楯者銀柱枅金枅琉璃欄楯者琉
璃柱枅水精枅水精欄楯者水精柱

大樓炭經第一卷

第二卷

枅琉璃枅赤真珠欄楯者赤真珠柱
枅馬瑙枅馬瑙欄楯者馬瑙柱枅赤
真珠柱車渠欄楯者車渠柱枅一切
寶枅金交露者銀垂珞銀交露者金
垂珞琉璃垂珞赤真珠交露者馬瑙
垂珞馬瑙交露者赤真珠垂珞車渠
交露者一切寶垂珞復以七寶作樹
甚殊好金樹者金根枝銀莖莖花寶
銀樹者銀根枝金莖莖花寶琉璃樹者
琉璃根枝水精莖莖花寶水精樹者
水精根枝琉璃莖莖花寶赤真珠樹
者赤真珠根枝馬瑙莖莖花寶馬瑙
樹者馬瑙根枝赤真珠莖莖花寶車
渠樹者車渠根枝一切寶莖莖花寶
門上有曲箱蓋交露有樓觀邊有園
觀舍宅浴池中有種種樹種種莖種
種華種種實出種種香種種飛鳥相
和而鳴作城已威神魏魏金輪便止
城中度量東西八十里南北四十里
亦時諸天為轉輪王以七寶作宮殿
壁七重欄楯七重七寶交露七重七
寶行樹七重周匝園遶七重門上有

大樓炭經第一卷

第三卷

曲箱蓋交露有樓觀下有園觀浴池種種樹種種菜種種華實種種飛鳥相和悲鳴造起轉輪王宮殿已金輪便立宮門前虛空中介時轉輪王甚歡喜踊躍言已為我自然金輪寶今我以為作轉輪王佛言轉輪王有自然金輪寶如是轉輪王有白為寶何類轉輪王明且與諸臣共會參議時即自然有白為在前現皆白身體兒具能飛行端正頭亦有六牙上魚下細牙如畫間金色轉輪王見已念言此為若可調者便當為賢善則與調為師使調適一反調便調善寂如調善畜介時轉輪王欲試白為寶便使會四部兵被白為在嚴已騎白為日出便出宮門飛行繞四海內即時還宮坐相娛樂介時轉輪王甚大歡喜踊躍言已為我自然白為寶今我已作轉輪王轉輪王白為寶如是轉輪王有紺色馬寶何等類轉輪王明且與左右共參議時見有自然紺色馬在前其馬身青毛衣滑澤頭黑轉輪王自念言若調此馬者便當即好與調馬師使調即時

大樓炭經第一卷 第二二二

調好寂如賢善馬介時轉輪王欲試紺色馬寶即使會四部兵被已騎馬未出宮門即與四部兵飛行繞四海內即日還宮坐相娛樂甚大歡喜踊躍言已為我自然紺色馬寶今我已為作轉輪王有紺色馬寶如是轉輪王有明月珠寶者何等類轉輪王明且與諸臣共坐參議時見有自然明月珠寶在前其珠青琉璃色八方滑澤好清潔有光明照耀轉輪王見已自念言如此珠照我後宮中者為姝好介時轉輪王欲試明月珠寶便使會四部兵持珠著幢頭夜從宮門出與四部兵介時明月珠寶光照諸長者婆羅門家起作使奴婢販賣市井謂為日出其珠照四部兵明出宮四十里飛行繞四海內即夜還宮坐甚大歡喜踊躍言已為我自然明月珠寶今我已作轉輪王轉輪王有明月珠寶如是

大樓炭經卷第一

甲辰歲高麗國大藏都監奉勅雕造

大樓炭經第一卷 第二二三

大樓炭經卷第二

西晉沙門法立共法炬

譯

轉輪王品第三

之二

轉輪王有玉女寶者何等類轉輪王明且與諸大臣共坐參議時有自然玉女寶在前現端正姝好面色無比亦不長不短不肥不瘦不白不黑冬時身則溫夏時身則涼身體諸毛孔皆梅檀香口出蓮華香轉輪王甚愛重意不起姪欲向他人何況當復身行介時轉輪王甚歡喜踊躍言已為我自然玉女寶今我已作轉輪王轉輪王有玉女寶如是轉輪王有主藏聖目寶何等類轉輪王明且坐參議時見主藏聖目寶在前解慧曉事至誠往至轉輪王所白言轉輪王所欲求索者我為天王辦之王但安隱坐轉輪王欲試主藏聖目寶使會四部兵乘船入水告主藏聖目我欲得金銀珍寶當與我主藏聖目白轉輪王言渡水已隨王欲當與之王言今當於此用之疾與我金銀珍寶渡水已我

不用主藏聖目聞受其教整衣服松上長跪右手撓水以器鈔金銀珍寶辟如重著樹諸金銀珍寶器者手如是亦時主藏聖目持衆珍寶者船上白轉輪王言欲得幾許金銀珍寶今當與王轉輪王告主藏聖目言我所藏聖目間已便還持金銀珍寶者水中介時轉輪王甚歡喜踊躍言已為我自然主藏聖目寶我已為轉輪王轉輪王有主藏聖目寶如是轉輪王有兵目寶何等類轉輪王明且坐衆議時見有兵目在前解慧勇猛曉事往至轉輪王所白轉輪王言所欲為作我為辦王但自安坐莫憂亦時轉輪王欲試兵目使會四部兵告兵目寶言不曉兵法者教令曉之已曉者教令重知不曉住者教令知住不曉騎乘弓馬者教令知兵目寶即受教皆教諸兵轉輪王甚歡喜踊躍言已為我自然兵目寶我今已為轉輪王轉輪王有兵目寶如是佛言轉輪王有七寶如是佛言轉輪王有四德去

大樓炭經第二卷 第二張

何為四德一者大富珍寶田宅奴婢珠玉為馬工巧者衆多天下人富無有如轉輪王者是為轉輪王第一德二者轉輪王軍端正殊好顏色無比天下人端正殊好無有如轉輪王者是為轉輪王第二德三者轉輪王常安隱無疾病身常等等亦不寒熱寒熱適其意諸所飲食皆安隱天下人無有如轉輪王無疾病者是為轉輪王第三德四者轉輪王常安隱長壽天下人無有常安隱長壽如轉輪王者是為轉輪王四德轉輪王有七寶及四德如是轉輪王以正法行為政現不轉善現行十善事教諸小國王傍目左右人民奉行十善事轉輪王哀念諸郡國人民如父哀子諸郡國人民愛敬轉輪王如子愛父轉輪王治天下閭浮利地平正無有高低無有棘刺無有毒獸虫蟻無有山陵嶮公無有礫石地但有棄捐金銀明月珠玉琉璃琥珀水精車馬珊瑚瑠璃轉輪王在天下治國時富樂安隱熾盛五穀豐熟人民衆多佛語諸比丘轉

大樓炭經第二卷 第三張

輪王治國時天下有八万郡國聚落居鷄鳴展轉相聞轉輪王治國時天下常遍有水草木常青木常有華華其地草葉周而分布色如孔雀毛其香如華香足踏上四寸入地舉足還復如故地草又無四寸空缺處有香樹常生華實破其實出種種香有衣被樹出華實及種種衣被有珠寶璣瑤樹出華實破中有無央數種種珠寶璣瑤有不息華樹出華實破中有種種不息有果樹常生華實破中有種種果有器樹生華實破中有種種器有收樂樹生華實破中有種種音樂轉輪王治國是時天下閭浮利不耕種米穀稻糧皆自然生清潔無穢出其有種種甘轉輪王臨壽終時身不甚痛辟如習樂人大食腹不甚痛轉輪王臨壽終時身體不痛如是轉輪王命過已後金輪白鳥寶便滅去紺色馬明月珠寶亦沒去王女寶主藏聖目寶導道聖目寶便沐浴轉輪王身以綿纏身復以五百張氈纏身著鐵棺中以酥灌其上滿已蓋覆之

大樓炭經第二卷 第四張

以釘釘之出轉輪王棺衆人共作妓樂歌舞出善城外積一切香薪持轉輪王棺著上便放火燒燒已王女寶主藏聖巨寶道聖聖巨寶共收骨以置於四徽道中起塔高四十里廣長四十里周市起牆廣長二百里以七寶金銀水精琉璃赤真珠車渠瑪瑙七重欄楯七重文露七重行樹周市園遠甚殊其從四方來札轉輪王行法起塔皆得無數福金時王女寶主藏聖巨寶導道聖巨寶為轉輪王起塔已便布施飢者與飯渴者與漿欲得衣者與衣欲得香熏華者與香熏華欲得財物牛羊者與之其後王女寶主藏聖巨寶導道聖巨寶乃命過大樓炭經泥犁品第四之一

佛告比丘有大鐵圍山更復有第二大鐵圍山中開竅窻冥冥其日月大尊神光明不能及照其中有八人泥犁一泥犁者有十六部第一大泥犁名想第二大泥犁名黑耳第三大泥犁名僧軻第四大泥犁名盧檮第五大泥犁名噉嚙第六大泥犁名燒炙

大樓炭經第三卷 第三二

第七大泥犁名益耆第八大泥犁名阿鼻摩訶佛言何以名為想其大想泥犁若有人墮中其八指生爪如利刀以相把刺其肉應手墮去想念欲相救以是爲事名爲想泥犁更復有餘種種因緣復次其大想泥犁若有人墮中者手中自然刀劍以相斫刺想欲救他人以是爲事故名爲想復有餘因緣其有人墮中者手自然小刀以刺刺他人想念欲救之以是爲事故名爲想復有餘因緣其有人墮中大想泥犁中者以手撻撻足刺餘者至頂想念欲救他人涼風起吹之身瘡平復展轉相語當復長生中復有相語言我曹今適生以是故名爲想泥犁復有餘因緣用是故泥犁人壽長久乃從想泥犁中出便走求解脫復有泥犁名爲黑界縱廣二万里患入中裏火從身出繞身三匝還入身毒痛不可忍過惡未解故不死復次黑界泥犁東壁八繞三匝燒人火焰至西壁西壁火焰至東壁南壁火焰至北壁北壁火焰至南壁上火焰

大樓炭經第二卷 第六

下至地下焰上至上人在中燒炙毒痛不可忍過惡未解故不死在其中甚久乃從黑界泥犁出便走求解脫有泥犁名沸屎縱廣二万里患入沸屎中自然至頭熱沸踊躍人以把蹶欲出不能得身體手足耳鼻面目皆爛熱毒痛不可忍過惡未盡故不死有重名鐵口啄人髑髏啄人肉穿之破骨取人髓泥犁中人手撻屎食之脣舌皆焦咽喉腹中腸胃皆爛便下過去毒痛不可忍過惡未盡故不死在其中甚久以後乃從沸屎泥犁中出便走求解脫有泥犁名五百釘縱廣二万里患入中泥犁旁各取人手足卧撲著釘地以鐵釘釘其右掌以鐵釘釘其左掌以鐵釘釘其右足復以鐵釘釘其左足復以鐵釘釘其心復以鐵釘遍釘其身下徹地患以五百釘釘其身續動欲起毒痛不可忍泥犁旁問言欲求何等報言我但苦飢渴泥犁旁取鉗拗開口燒熱鐵其共咽中脣舌咽皆焦腹中腸胃皆焦爛與腸胃下過去毒痛不可忍過惡未盡故不死用是故

大樓炭經第二卷 第七

人在泥犁中甚長久以後乃從五百釘泥犁得出便走求欲解脫有泥犁名車帖縱廣二万里悉入其中泥犁旁便問言欲求何等報言但苦飢渴泥犁旁便各取其身撐著地取鉗拘開其口取消銅灌人口脣舌皆焦腹中五藏腸胃皆焦爛燒炙毒痛不可忍過惡未盡故不死在泥犁中甚長久已後乃得出便走求解脫有泥犁名為飲患入其中泥犁旁便問言欲求何等報言我但苦飢渴泥犁旁即各各取其身撐著燒熱地以鉗拘開其口以燒鐵丸著人口中脣舌咽皆焦五藏腸胃盡焦便下過去毒痛不可忍過惡未解故不死在其中甚長久乃從飲泥犁中出便走求解脫有泥犁名一銅釜縱廣二万里盡入中泥犁旁便共舉人身體手足著釜中煮在底亦熟在上亦熟湯沸踊躍起伏有在上露手足者覆亦熟辟如煮豆在底亦熟在上亦熟覆亦熟露亦熟泥犁中人亦如是在二万里銅釜泥犁中上下皆熟頭面耳鼻手足

大樓炭經第二卷 第八張

皆見熟爛泥犁旁以矛刺內其中毒痛不可忍過惡未解故不死用是故在其中甚長久已後乃從一銅釜泥犁中出便走欲求解脫有泥犁名多銅釜縱廣二万里悉入中泥犁旁便各各舉其身手足著釜中湯沸踊躍長轉在底在上頭面手足皆見熟爛泥犁旁便以矛搗罪人持著餘釜中見煮亦如是毒痛不可忍過惡未解故不死在其中甚長久已後乃從多銅釜泥犁中出便走欲求解脫有泥犁名磨縱廣二万里悉入其中泥犁旁便各各取人著鐵磨上卧以蓋覆便捉磨使碎血肉流下骨留在磨中火出燒炙毒痛不可忍過惡未解故不死用是故在其中甚長久已後乃從鐵磨泥犁中出便走欲求解脫有泥犁名膿血縱廣二万里人悉入其中即自然有膿血火焰出人以身手足把壓欲出頭面耳鼻身體手足皆焦便自以手取膿血食之脣舌咽皆焦腹中腸胃五藏皆焦便下過去毒痛不可忍過惡未解故不死在其中甚長久已

大樓炭經第二卷 第九張

後乃從膿血泥犁中出便走欲求解脫有泥犁名高峻縱廣二万里人悉入其中泥犁火焰出泥犁旁即走人上下山頭面耳鼻身體手足皆焦爛毒痛不可忍過惡未解故不死在其中甚長久已後乃從高峻泥犁中出便走欲求解脫有泥犁名斫板縱廣二万里人悉入中泥犁旁便各各取人撐燒鐵地以鐵繩量度其身以兩手持斧斫削身及頭面手足耳鼻毒痛不可忍過惡未解故不死在其中甚長久已後乃從斫板泥犁中出便走欲求解脫有泥犁名斛縱廣二万里人悉入其中泥犁旁即取炭火中火人使著斛中量以手摩上頭面身體手足耳鼻皆焦爛泥犁旁走人火上往還燒炙毒痛不可忍過惡未解故不死在其中甚長久已後乃從斛泥犁中出便走欲求解脫有泥犁名劍樹茶縱廣二万里人悉入其中風生吹鐵劍樹茶墮落截人手足頭面耳鼻身體毒痛不可忍過惡未解故不死在其中甚長久已後乃從鐵劍樹泥

大樓炭經第二卷 第十張

犁中出便走欲求解脫有泥犁名撓撓河縱廣二万里河兩邊生剝頭刀草人悉入其中刀逆刺人斷人手足頭面鼻耳身體毒痛不可忍

尔時人皆墮撓撓河湯沸涌躍下底有八寸蒺藜刺刺人身血流灑但有其骨便沸涌躍轉上人毒痛不可忍風吹至岸邊草刀逆向內截人頭面耳鼻身體手足毒痛不可忍過惡未解故不死泥犁旁即問人言欲求何等報言我但苦飢渴泥犁旁便各各取人攢著燒熱地以消銅灌人口中唇舌咽喉皆焦身體五臟腸胃皆焦便下過去毒痛不可忍過惡未解故不死河兩邊有鐵樹泥犁旁便取人舉著鐵樹下樹生刺刺下垂刺人身體血肉流墮餘但有骨風起吹人身體平復如故有鳥名鐵鳥啄其頭敢其腦在頭上住啄取人瞳子人欲下鐵刺向仰刺人欲上向下刺人尔時人走行走欲求解脫還墮撓撓河中湯沸涌躍墮底為蒺藜所刺如故上岸浮風吹岸邊刀逆截傷人頭面耳鼻

大藏經第二卷 第十張

身體手足毒痛不可忍過惡未解故不死樹泥犁旁問言欲求何等言我但苦飢渴便持消銅灌口中唇舌咽喉腸胃皆焦爛便下過去上岸邊泥犁旁復著岸邊樹上欲下上刀逆刺人有鳥名鄰丘啄啄人頭敢其腦在人頭上啄人瞳子欲上下刺逆向刺人毒痛不可忍過惡未盡故不死復還墮撓撓河在中毒痛如故風復吹至岸邊草刀逆刺刺人如故泥犁旁復問人言欲求何等報言但苦飢渴以其消銅灌其口中如故燒炙毒痛不可忍在其中甚長久已後乃從撓撓河得出便走欲求解脫有泥犁名狼野干縱廣二万里人悉入其中狼野干自然在前住身中出火焰所燬人身肉應其口而食之毒痛不可忍飛鳥共來啄取人者脫人眼者毒痛不可忍過惡未盡故不死在其中甚長久已後乃從狼野干泥犁得出便走欲求解脫有泥犁名寒氷縱廣二万里人悉入其中風周匝四面起寒冷吹人身肌膚皮肉筋骨入髓中用

大藏經第二卷 第二張

是故便於中死佛言何以故名為黑耳泥犁若有人墮黑耳泥犁中者黑風熱沙雨其身上即墮墮地焦皮肌膚骨肉脂髓毒痛不可忍過惡未盡故不死用是故名為黑耳復有餘因緣復次黑耳大泥犁其有人墮中者以燒鐵黑索縛其身風便勒結之斷其身皮肌膚破骨出髓毒痛不可忍過惡未盡故不死用是故名黑耳復次有因緣墮其黑耳大泥犁中者泥犁旁以黑鐵燒熱繩纏裹人身焦皮肉肌膚骨髓毒痛不可忍過惡未盡故不死用是故名黑耳復次其有人入大黑耳泥犁旁以鐵繩左右絞其人身以鋸截之以斧斷之毒痛不可忍過惡未盡故不死用是故名黑耳復次人在其中甚長久燒炙毒痛乃從黑耳泥犁中出便走欲求解脫有泥犁名黑火縱廣二万里人悉入中黑火從當身出繞身三匝還入身毒痛不可忍過惡未盡故不死在泥犁中甚長久乃從黑火泥犁中出隨次入如前十六泥犁至寒氷泥犁乃命

大藏經第二卷 第十三張

過佛言何以故名為僧軋泥犁其有人墮僧軋大泥犁中者自然兩鐵山出火山合拍泥犁中人破碎其身毒痛不可忍過惡未盡故不死是故名為僧軋復有餘因緣復次若有人墮僧軋大泥犁中者人悉入其中有兩山相拍罪人身皆破碎解墮毒痛不可忍過惡未盡故不死是故名為僧軋復有餘因緣人在其中甚長久乃從大僧軋泥犁中出便走欲求解脫復次入十六泥犁如前復至寒水泥犁乃命過佛言何以故名樓獨泥犁其有人墮樓獨中者泥犁旁各取人著鐵銼中人大噉呼大毒大痛是故名為樓獨復次有罪人墮樓獨泥犁中者泥犁旁取人著鐵鼎中大毒大痛噉喚是故名為樓獨復次其有罪人墮樓獨泥犁中者泥犁旁各取之著鐵釜中大毒大痛噉喚是故名為樓獨復有餘因緣罪人在其中甚長久乃從樓獨泥犁中出便走欲求解脫復次入十六泥犁如前至寒水泥犁乃命過

大樓炭經第二卷 第十四張 曉

佛言何以故名為大噉喚其有人墮大噉喚泥犁中者泥犁旁各取其人著大鐵中煮極毒痛大噉喚是故名大噉喚復有餘因緣其有罪人墮大噉喚泥犁中者泥犁旁各取其人身著大釜中甚毒痛大噉喚復有餘因緣其人墮大噉喚泥犁中者泥犁旁各取人著鼎鑊中煮甚毒痛大噉喚是故在其中甚長久乃從大噉喚泥犁中出便走欲求解脫隨次入十六泥犁如前至寒水乃死佛言何以故名為燒炙其有罪人墮大燒炙泥犁中者泥犁旁各取人著鐵舍中自然出火燒炙毒痛是故名為燒炙復次其有罪人墮大泥犁燒炙中者泥犁旁牽人入鐵交露中自然有火燒炙毒痛是故名為燒炙過惡未盡故不死復次其有罪人墮大燒炙泥犁中者泥犁旁牽人入鐵堂上自然有火燒炙毒痛是故名為燒炙罪人在其中甚長久乃從燒炙泥犁中出便走欲求解脫隨次入十六泥犁如前至寒水泥犁命過死

大樓炭經第二卷 第十五張 曉

佛言何以故名為阿鼻摩訶其有罪人墮阿鼻摩訶泥犁中者眼但見惡色不見善色耳但聞惡聲不聞善聲口所食但得惡味不得甘美鼻所聞臭不聞好香身所更但得惡意所念法但有惡無善是故名為阿鼻摩訶復有餘因緣有罪人墮阿鼻摩訶泥犁中者東壁火燄至西壁西壁火燄至東壁南壁火燄至北壁北壁火燄至南壁上火燄下至地地火燄上至六面火來燒炙人毒痛是故名為阿鼻摩訶復次其罪人墮阿鼻摩訶泥犁中者彈指頃無有樂是故名為阿鼻摩訶罪人在其中甚長久乃從阿鼻摩訶泥犁中出便走欲求解脫隨次入十六泥犁如前至寒水泥犁乃死佛言大鐵圍山外閻浮利天下南有閻羅王城縱廣二十四万里以七寶作七重壁七重欄楯七重刀分七重行樹園觀浴池周匝圍繞金壁銀門銀壁金門琉璃壁水精門水精壁琉璃門赤真珠壁馬瑙門馬瑙壁赤真珠門車渠壁一切寶門上有曲箱蓋

大樓炭經第二卷 第十六張 曉

交露下有園觀浴池有種種樹葉花實出種種香種種飛鳥相和而鳴佛言人身行惡口言惡心念惡死後墮此閻羅王泥犁中者泥犁旁便反縛罪人以見閻羅王白王言此諸人志不孝於父母不承事沙門道人不畏後世禁忌願王隨所知而罰之王即呼人前安諦審實問其人汝昔在世間時不見人年老百二十頭白齒落面皺皮緩氣力衰微持杖而行身體戰慄其人已見何以不自念我亦當如是老極無有能脫不老者何不自改身口意為善人對言我實姪乱王言今我當便問汝姪乱之意是過非父母過亦非兄弟過亦非天帝王過亦非親屬知識過亦非先祖去人過亦非沙門婆羅門過汝作惡身自當受第一閻羅王問王第二安諦審實問汝昔在世間時為不見人男女病困苦著床惡露自出身卧其上不能坐起居人坐起飲食之其人對言已見王言汝何以不念我亦當如是病瘦自改身口意為善我實姪乱王言

大藏經卷第二 第七十四

今我當便問汝姪乱之意是過亦非父母過亦非兄弟過亦非天帝王過亦非親屬知識過亦非先祖去人之過亦非沙門婆羅門過汝自作惡身自當受第二閻羅王問王第三問汝昔在世間時為不見男女死時身體壞敗破碎如林木葉損為鳥鳥垂蟻狐狼所食若有燒者葬埋者其人對言已見汝何以不自念我亦當如是死當自改身口意為善我實姪乱王言我當問汝姪乱之意是非父母過亦非兄弟過亦非天帝王過亦非先祖去人過亦非親屬知識過亦非沙門婆羅門過汝自作惡身自當受第三閻羅王問閻羅王第四問汝昔在世間為不見小兒無所知屎溺自身其人言我已見何以不自念我亦當如是當自改身口意為善我實姪乱王言今我當問汝姪乱之意是過非父母過亦非兄弟過亦非天帝王過亦非先祖去人過亦非親屬知識過亦非沙門婆羅門過汝自作惡身自當受第四

大藏經卷第二 第七十五

汝昔在世間時為不見郡國縣邑得盜賊犯事赦人者以見白王王勅使四支帛掉之若著釜中煮若生燒之若閉著牢獄掠笞毒痛若斷手足鼻耳若生貴之若斷頭種種酷毒之其人對言已見汝何以不自念我若有過亦當取我如是當改身口意為善我實姪乱當問汝姪乱之意是過非父母過亦非兄弟過亦非天帝王過亦非先祖去人過亦非親屬知識過亦非沙門婆羅門過汝自作惡身自當受第五閻羅王問便持付泥犁旁即各各取人倒著泥犁泥犁城廣長各四万里窈窕冥冥佛亦時說偈言四方有四門 諸角治甚堅 垣壁以鐵作上亦用鐵 其地悉布鐵 火悉自然出其界有十大泥犁第一名阿浮第二名屋羅浮第三名阿呵不第四名阿波浮第五名阿羅留第六名優鉢第七名修捷第八名蓮花第九名拘文第十名分陀利佛言何故名為阿浮阿浮泥犁中罪人自然生身辭如雲氣是故名為阿浮何以故名為屋羅

大藏經卷第二 第七十六

浮丘羅浮泥犁中罪人身辭如鹿獨肉是故名為居羅浮何以故名為阿可不阿可不泥犁中罪人甚大苦甚大痛嗟呼是故名為阿可不何以故名為阿波浮阿波浮泥犁中罪人甚酷甚痛大呼嗟呼是故名為阿波浮何以故名為阿羅留阿羅留泥犁中罪人甚苦甚痛欲嗟呼不能但動舌是故名為阿羅留何以故名為修捷修捷泥犁中罪人身辭黃火是故名為修捷何以故名為優鉢優鉢泥犁中罪人身青辭如優鉢是故名為優鉢何以故名為拘文拘文泥犁中罪人身色黃白辭如拘文是故名為拘文何以故名為分陀利分陀利泥犁中罪人身色赤如分陀利是故名為分陀利何以故名為蓮華蓮華泥犁中罪人身紅色是故名為蓮華佛言辭如有百二十斛四升滿中芥子百歲者人取一芥子去比丘是百二十斛四升芥子悉盡人在阿浮泥犁中常未竟若人在居羅浮泥犁中者百歲取一芥子盡二千四百八十斛芥子乃得出耳在阿

大樓炭經第二卷 第三十

不泥犁中百歲取一芥子盡四萬八千二百六十斛乃得出在阿波浮泥犁中百歲取一芥子盡九十六萬三千三百斛乃得出在阿羅留泥犁中百歲取一芥子盡千九百二十六萬四千斛乃得出在修捷泥犁中百歲取一芥子盡三億八千萬五百二十八斛乃得出在青蓮華泥犁中百歲取一芥子盡八十六億五百六十斛乃得出在黃白蓮華泥犁中百歲取一芥子盡千七百二億萬一千二百斛乃得出在拘文蓮華泥犁中百歲取一芥子盡三萬四千四百億二十二萬四千斛乃得出在紅蓮華泥犁中百歲取一芥子盡六十六萬八千八百億四百四十八萬斛乃得出二十小劫為半劫有人名句波利墮紅蓮華泥犁中坐非謗舍利弗摩訶目犍連佛於是說偈言

若有人發起者 出口語出刀刃
坐語說惡之事 便還而自裁傷
若有非反歎譽 可歎者反非謗
口說惡猶重過 口過重不安隱
詳如人憚掩者 是諸惡過薄耳

大樓炭經第二卷 第三十

有惡意向賢者 是過為最重大
泥犁浮有百千 阿浮有三十五
閻羅王晝夜各三過燒熱銅自然火
在前宮中王即恐畏衣毛起豎即出宮
舍外亦自然有大王怖懾還入宮
泥犁旁便各各取閻羅王撻燒鐵地
持鐵鉤鉤其口皆開以消銅灌王口中
熱喉咽以皆焦腹中腸胃五臟銅便
下過去燒炙毒痛不可忍過惡未盡
致不死世間其有身行惡口言惡心念
惡死後墮惡道燒炙毒痛如泥犁中
罪人世間人其有身行善口言善心
念善死後皆生天上佛於是說偈言
王使神呼問之 人民所作惡過
其人常而憂毒 人用是身勤苦
知當問不作惡 即奉行賢善法
若有惡見因緣 生但有病及死
無因緣便解脫 生病死便滅盡
得安隱甚快樂 即見在得滅度
一切恐怖畏懼 度無為獨有常
大樓炭經阿須倫品第五

佛言須彌山下深四十萬里有阿須倫名抄多尸利其城郭廣長各三百

大樓炭經第二卷 第三十

三十六万里以七寶作之甚姝好金銀水精琉璃赤真珠車渠馬瑙周行樹繞有七重壁欄楯七重刀分七重行樹高八万里長六万里皆以七寶作也四方有四門門高百万里廣六千里一一門邊各各有十阿湏倫居止以七寶作殿舍七重壁七重欄楯七重刀分七重行樹周布圍遶樹有青色者紅色者黃色者白色者有素樹華樹實樹樹上有飛鳥止名為鸛孔雀鵲鷓鴣白鵲悉在樹上甚好相和而鳴抄多尸利阿湏倫東出四万里中有阿湏倫城郭廣長各三十六万里以七寶彩畫姝好金銀琉璃水精赤真珠車渠馬瑙作七重壁七重欄楯七重刀分七重行樹周布圍遶四方有門門高十万里廣六万里各各有三百阿湏倫止周布圍遶有七重流水甚深滿中有青蓮華黃蓮華紅蓮華白蓮華其底沙皆金邊有樹青色者紅色者黃色者白色者有素樹華樹實樹樹上有種種飛鳥止甚姝好相和而鳴抄多尸利阿湏倫南出四万

大藏經卷第三

第二十二卷

黑中有阿湏倫名波陀呵阿湏倫城郭廣長各四十六万里以七寶彩畫姝好七重壁七重欄楯七重刀分七重行樹四方有門門高十万里廣六万里一一門各有三百阿湏倫止周布有七重流水甚深滿其水底沙皆金中有青紅黃白蓮華有七重壁七重欄楯刀分行樹周布圍遶有青紅黃白樹生素華實樹樹各有種種飛鳥甚好相和而鳴抄多尸利阿湏倫西出四万里有阿湏倫名波利其城郭廣長各三十六万里皆以七寶彩畫姝好作七重壁欄楯刀分樹木垣牆高十万里廣六万里四方有四門門高十万里廣六万里皆以七寶作門一一門邊各有三百阿湏倫止其宮殿亦以七寶作七重壁欄楯刀分樹木七重流水甚深滿其水底沙皆金亦有青紅黃白蓮華亦有青紅黃白樹生素華實上有種種飛鳥甚好相和而鳴抄多尸利阿湏倫宮北出四万里中有羅呼阿湏倫其城郭廣長各三十六万里亦以七寶彩畫姝好作七寶

大藏經卷第三

第二十三卷

壁欄楯刀分樹木周布圍遶垣牆高十万里廣六万里四方有四門門高十万里廣六万里一一門邊各有三百阿湏倫止其宮殿亦以七寶作七重壁七重欄楯刀分樹木周布有七重流水深滿中有青紅黃白蓮華其底沙皆金復以七重壁欄楯刀分樹木周布圍遶有青紅黃白樹生素華實上有種種飛鳥甚好相和而鳴抄多尸利阿湏倫城中有大樹名為畫過度高十二万里周布亦十二万里根深二万里莖圍四万里常有花實抄多尸利阿湏倫身高二万八千里有高六千里者有高二千里者有高八千里者有七聲者長六聲者五聲者四聲者三聲者二聲者寂小者長半聲抄多尸利阿湏倫宮有四品常待風持之何等為四一者不可壞風二者堅住風三者持風四者上風是為四品風主持水在上如浮雲矣

大藏經卷第二

乙巳歲高麗國大藏都監奉勅雕造

大藏經卷第三

第二十四卷

大樓炭經卷第三

曉

龍鳥品第六

西晉沙門法立共法炬

譯

佛告比丘言有四種龍何等為四一者卵生種龍二者水生種龍三者胎生種龍四者化生種龍是為四種龍佛語比丘金翅鳥有四種一者卵生種鳥二者水生種鳥三者胎生種鳥四者化生種鳥是為四種鳥大海底須弥山北有娑竭龍王宮廣長八万由旬以七寶金銀水精琉璃赤真珠車渠馬瑙作七重壁七重欄楯七重刀分七重樹周帀殊好金壁銀門銀壁金門琉璃壁水精門水精壁琉璃門赤真珠壁馬瑙門馬瑙壁赤真珠門車渠壁一切寶門彩畫殊好其壁二万里有一門門高二千四百里廣千二百里其門常有五百鬼神守門門壁上有欄楯文畫曲蓋門邊圍觀浴池有種種樹出種種香有種種華種種葉種種飛鳥相和而鳴大海北邊有難頭和難龍王宮廣長各二万八

千里以七寶作七重壁欄楯七重刀分樹木周帀圍遶宮門高千四十里廣四百八十里壁上有欄楯交露曲蓋周帀有圍觀浴池樹木飛鳥相和而鳴如娑竭龍王圍觀難頭和難龍王北有大樹名為句梨睽莖圍遶二百八十里高四千里枝葉分布二千里句梨睽樹東有卵種金翅鳥宮廣長二十四万里有七寶七重壁欄楯刀分樹木圍觀浴池飛鳥相和而鳴句梨睽樹南有水生種金翅鳥宮廣長二十四万里同有七寶七重壁欄楯刀分樹木圍觀浴池華香飛鳥相和而鳴句梨睽大樹北有化生種金翅鳥宮廣長二十四万里同有七寶七重壁欄楯刀分樹木圍觀浴池華香飛鳥相和而鳴句梨睽大樹北有化生種金翅鳥宮廣長二十四万里同有七寶七重壁欄楯刀分樹木圍觀浴池花香飛鳥相和而鳴句梨睽大樹北有化生種金翅鳥宮廣長二十四万里同有七寶七重壁欄楯刀分樹木圍觀浴池求取卵種龍時從句梨睽樹東枝下入大海以翅搏海水波八千里取卵種龍食之不能得食胎種水種化種

大樓炭經卷第三 第三講

龍水種金翅鳥欲求取卵種龍時便從句梨睽大樹下至大海以翅搏海水波八千里取卵種龍食之水種金翅鳥欲取水種龍時便從句梨睽大樹南枝下入海以翅搏海水波六千里取水種龍食之不能得食胎種化種龍胎種金翅鳥欲取卵種龍時便從句梨睽大樹東枝下入大海以翅搏海水波八千里取卵種龍食之胎種金翅鳥欲取水種龍時便從句梨睽大樹南枝下至大海以翅搏海水波六千里取水種龍食之胎種金翅鳥欲取胎種龍時便從句梨睽大樹西枝下至大海以翅搏海水波三万二千里取胎種龍食之不能取化種龍食之化種金翅鳥欲取卵種龍時便從句梨睽大樹東枝下至大海以翅搏海水波八千里取卵種龍食之化種金翅鳥欲取水種龍時便從句梨睽大樹南枝下入大海以翅搏海水波六千里取水種龍食之化種金翅鳥欲取胎種龍時便從句梨睽大樹西枝下入大海以翅搏

大樓炭經卷第三 第三講

海水波三万二千里取胎龍食之
化種金翅鳥欲取化種龍時便從句
梨樹大樹北枝下入大海以翅搏海
水波六万四千里取化種龍食之有
餘龍王金翅鳥不能得食者何等龍王

金翅鳥不能得食者一者娑竭龍王
二者阿耨達龍王三者難頭和難龍
王四者善見龍王五者提頭賴龍王
六者伊羅募龍王七者善住龍王八
者迦句龍王九者阿于樓龍三十者
鬱旃鉢龍三十一者捷呵具曇龍三
十二者藍波龍王金翅鳥皆不能得
取是諸龍王食之此諸龍王皆在山中
居止若有婆羅門道人行求龍意奉龍
戒行具足即生龍中若有婆羅門道人
行求金翅鳥意奉金翅鳥行求金翅
鳥死已即生金翅鳥中若有婆羅門
道人行求優留鳥意奉戒行具足從
死後生優留鳥中若有婆羅門道人行
求牛奉牛意戒具足死後便生牛中若
有婆羅門道人行求狗道奉狗意戒行
具足死後生狗中若有婆羅門道人行
求鹿道奉鹿意戒具足死後生鹿

中若有婆羅門道人行求難道者死
後生鷄中若有婆羅門道人行求摩
丘越天求女人者求大神者求日月
者有日三過浴水中求生天上者有
事天者事日月者求天者

佛言是癡見者墮兩惡道一者沮犁二
者畜生若有婆羅門道人說見如是我
與世有常言我至誠其餘者為癡
有言我與世非常我至誠其餘者為
癡有言我與世有常無常我至誠其
餘者為癡有言我與世亦不常亦不
無常我至誠其餘者為癡有言我與
世有限我至誠其餘者為癡有言我
與世無限我至誠其餘者為癡有言
我與世有限無限我至誠其餘者為
癡有言我與世亦不有限亦不無限
我至誠其餘者為癡有言我有是身
命我至誠其餘者為癡有言我身死
黑我至誠其餘者為癡有言無有身
命我至誠其餘者為癡有言亦不有
身命亦不無身命我至誠其餘者為
癡有言人生時所從來死後亦趣彼
我至誠其餘者為癡有言無所從來

生死後亦趣彼我至誠其餘者為癡
有言有所從來生無所從來生死後
亦趣彼我至誠其餘者為癡有言亦
不有所從來生亦不無所從來我至誠
其餘者為癡

佛言其有婆羅門道人言我於世有
常我至誠其餘者為癡其人所行見
有我有命有身見世間是故言我與
世有常有言我與世無常有言我與
世有常無常有言我與世亦不有常亦
不無常各言我至誠其餘者為癡其
人所行見有我有命有身見世間是故言
我與世有常有言我與世無常有言我
與世有限我至誠其餘者為癡其
人所見有我有命是故言命有限人有
限在腹中時死後塚間葬埋同等人
從初生受身四分七反生死已後得
道是故言我與世有限有言我與世
無限我至誠其餘者為癡其人所見
有我有命有身見世間言有命有人
無限在人腹中時死後塚間葬埋同
等從初生受身四分七反生死即得
道若婆羅門道人說見言我與世有

限無限其所見有我有命有身見世間言命無限人有限在人腹中時

死後葬埋同等從初身受身四分七反生死後得道人所見亦不有限亦不無限我及世者其人言命有限人在腹中時死後葬埋同等從初身受身四分七反生死後得道是故言亦不有限亦不無限若有婆羅門道人所言見有是命有是身其人言今世命常在後世命常在是故言我至誠其餘者為癡有道人所見命異人異其人言今有壽後世無有壽是故言我至誠其餘者為癡若婆羅門道人言今見命盡死後世轉行生故言我至誠其餘者為癡有婆羅門道人言亦不有命亦不有身今世命盡滅後世亦盡滅若有婆羅門道人所見言生所從來死亦趣彼者我至誠其餘者為癡其人見今世有身命見後世有身命故言我至誠其餘者為癡若有婆羅門道人所見言無所從來生死亦至彼亦不見今世有命亦不見後世無命若有婆羅門道人所見言有從

無所從來生死亦趣彼我至誠其餘者為癡

亦不見今世有身命亦不見後世有身命若有婆羅門道人所見言亦不有亦不無所從來生我至誠其餘者為癡其人亦非不見今世有身命亦非不見後世有身命佛告比丘乃往去世時有王名不現面今時多聚會盲子便問盲子汝曾寧知為所類不盲子白言不知天王王言汝欲知為所類不盲子欲知今時勅使將為來今眾盲子捫之中有盲子捫為得鼻中有盲子捫為得牙中有盲子捫為得耳中有盲子捫為得頭中有盲子捫為得背中有盲子捫為得腹中有盲子捫為得後脚中有盲子捫為得膝中有盲子捫為得前脚中有盲子捫為得尾時三不現面問眾盲子言為何等類得為鼻者言為如曲車轆得為牙者言為如杵得為耳者言為如箕得為頭者言為如鼎得為背者言為如積得為腹者言為如壁得為後脚者言為如樹得為膝者言為如柱

得為前脚者言為如日得為尾者言為如地各各共爭不相信自呼為是言為如是一人言不如是王歡喜笑佛言如是其有異道人不知苦諦所從起亦不知苦習諦苦盡諦苦滅道諦各各諦不相信罵詈自呼為是若有沙門道人知苦習盡滅道諦所從起便共和合同辭如乳一合無亂但說佛教行安隱佛言比丘當諦行是苦諦習盡道諦

大樓炭經高善士品第七之二

佛言凡夫有三事覺知高事知其行所念何等為三事一者人心念善口言善至誠身行善假令惡人心念不善口言不善身行不善高人知為不善也所以言高者何人心念善口言善至誠身行善高人於世間有三事得其福何等為三事一者與耆老會坐若於堂上里巷間行間道中行及耆老共坐共稱譽高士行善高士念言今眾人共稱譽人善哉即有是高人心即安隱又聞此語心亦歡喜身亦安隱高人有時見處盜賊為縣官所捕取酷

毒治之反縛鐵鎖斬其手足解解斷之截耳截鼻竹篋鞭之復寸寸斬之持餒虎狼中有令為蹈救者中有持囊裹燒之者中有蒸救之者中有生耗者有出城外刑者高士見之念言我不為惡也三但取惡人我當何等憂乎我至老不憂縣官是高士用是故心歡喜高人心念善口言善身行善若有病瘦者床因劣時強健時所作善惡在目前自見之人不救生不取他人財物不犯人婦女不欺人不兩舌不惡口不妄言不嫉妬不貪餘信作善得善作惡得惡即自見第二忉利天上人往來見佛見阿羅漢諸強健時所作善皆在前見其人病者自念豈我強健時所作善故至使眾善來見我道就使我死自當上天在善人之中用是三事高士其心歡喜身安佛言假令高善士自知作善當得善不復畏死生也略無所在高善士常自念欲速去惡軀軀中有骨血不淨潔臭處意欲早死更就善軀所以者何以能念所樂可受慶歡喜獨上天

大藏經第三卷 第十張 頌

為樂可愛也最可喜諸沙門問佛願為我說天上樂意云何佛言聽我說之諸沙門言受教

佛言譬如遠遊越羅王有七寶持有四事餘人所無有又有五種所思所欲得皆在前王有七寶何等為七寶一者自然生一金輪二者白為三者紺色馬四者摩屈珠五者聖王六者聖輔臣七者聖主兵臣佛言汝欲知一金輪所主不王以月十五日晦日沐浴沐浴已於正殿與諸婦女共坐遙見金輪飛來輪有千輻輻輳皆正好無比常去地三四丈王見金輪便生意言諸高士云為遠遊越羅王事有金輪飛來者常從東方來有千輻輻輳正好有是金輪寶者當為遮迦越羅王今我將得無當為遮迦越羅王乎王自思念欲試此金輪王起坐正衣服長跪向金輪言如今為我來者當案行諸國故事法王言適竟金輪便東飛王傍諸大臣及官屬皆隨之飛金輪所止處王諸官屬亦隨其止金輪到國郡國諸王皆來

大藏經第三卷 第十張 頌

長跪叩頭言此國界皆大王所有又持銀鉢盛滿金粟復以金鉢盛以銀粟以上獻郡國諸王皆言此國中豐熟穀米平賤風雨時節人民熾樂大王可受國留於是王因報諸王言

汝曹便自治國但以正法勿失故事慎無殺生無妄取他人財物無妄犯人婦女無得欺人無得兩舌無得惡口無得妄言無得嫉妬無得貪餘無得瞋恚惡心也皆奉行此十事其有犯十事中一事者勿令在國中也大王隨金輪至東方教誡諸郡國諸王訖竟復隨金輪飛到南方金輪所止處大王與千乘萬騎共止南方郡國諸王皆復來叩頭長跪言願上郡國界及金銀鉢盛滿金銀粟上獻物如東方諸國王之礼金輪復飛至西方傍目及官屬悉復隨金輪所止西方郡國諸王皆來叩頭長跪言願上國界及金銀鉢盛滿金銀粟上獻物復如南方諸王之礼金輪復飛到北方金輪所止大王及諸官屬亦隨金輪所止諸郡國諸王皆來叩頭長跪

大藏經第三卷 第十張 頌

言願上國界人民熾樂米穀平賤風雨時節大王宜可棄治於此又復以金銀鉾威滿金銀粟上大王大王不受因報諸王曰汝曹皆自以正心治國勿失故事無得救生無得取他財物無得犯人婦女無得欺人無得兩舌無得惡口無得妄言無得嫉妬無得貪餘無得瞋恚無得惡心皆奉行此十事其有犯十事中一事者勿令在國中也大王重令四海四方訖竟因隨金輪還故國上殿金輪常在王前見其王有是金輪寶如是王復有為寶為寶者何等類其為正白無比軀畏以牙齒蹄足皆具臍好皆以金為鞍勒當胃鑲掖皆以黃金當臍怕額身皆以白珠行即飛行自在欲所到王傍臣白三言賀大王國中白為寶其白絕塵無比軀畏牙齒蹄足皆白臍好皆以黃金為鞍勒當胃鑲掖皆以黃金當臍怕額皆以白珠行即飛行自在所至到王見為大歡言為有相姝好當教習令行步進止王因付左右曉事者令教之數日之間皆

大樓炭經第三卷 第十四張

習知行步王意欲騎乘試為日出一竿王騎試之為因周旋四方四海屈還故宮飯食速迦越羅王有馬寶馬寶者何等類馬即紺色被鬚澤好持頭如魚鞍勒鑲掖及帶皆黃金當臍怕額皆以白珠王見大歡喜即復令左右教習之數日間馬復習知行步三意欲試馬日出一竿三騎馬為即飛行周而四方四海旋還故宮飯食速迦越羅王馬寶如是王有明月珠寶明月珠寶者何等類珠色極青打針八觔在宮中皆明火焰所照周而四十里如日之明王意欲試珠明人定已後陰冥如漆以珠繫著金竿頭夜出城將妻子千乘萬騎詣離宮諸署別觀珠明如日出令車騎明復遠千乘萬騎周而四十里

大樓炭經第三卷 第十四張

欲計速迦越羅王有摩尼珠寶如是王有聖王女玉女者何等類耶不長不短不大不小不肥不瘦不白不黑適得其中絕端正無比口氣出如香薰舉身小毛孔皆香如麝金香事王晚卧早起承事不失王意冬時身則溫夏則身涼事王常令不瞋恚何況其身速迦越羅王有玉女寶如是王有聖輔臣大高遠見人便知情性以天眼視天下豫知天下有珍寶藏物知有主名無有主名有主名者為其主護亦之無主名者以給官用聖輔臣前白王快自娛樂不須憂錢財寶物我自給王王意疑聖輔臣所言所求者可得不得王便與聖輔臣共載一船到海中央王便語聖輔臣言我欲得寶物今於此間與我聖輔臣言須我出在陸地可得王曰我在陸地不用也欲於此得之耳聖輔臣便以手抄水中得金寶大如車輪以著船上不可勝數王言止止船滿且重速迦越羅王聖輔臣如是王有持兵導道聖臣者何等類高才身健無所不知當欲起

大樓炭經第三卷 第十四張

兵無央數不欲兵則止持兵導道自
白王言今王快自娛樂勿憂國事王
當用兵者我自鐵關王意欲試導道
聖臣便取國中人馬象皆被鎧乃得自
副步兵被鎧刀兵自副王心自念言
今是兵出行快耶王心甫念兵便前
行王念言欲令兵止兵即復止王意
念言使兵罷去兵即罷去速迦越羅
王導道主兵目如是速迦越羅王有
七寶如是有三有四事與凡人有異何
等為四一者年壽無央數人中無有
壽如速迦越羅王者二者常安隱永
常有病飲食皆消身體寒溫時適中
安隱無過速迦越羅王者三者端正
無比過於世間人但不如天人四者
万姓皆愛王視皆如父母三寶万姓
如父母愛其子正偶出到諸署別觀
姓謂王御者言令車徐行我欲觀王
無厭極也祝願王令壽無極王復語
御車者徐行我欲見我國人民使子
壽無極速迦越羅王有是四事凡人
所無王有三願願所愿常在前心所
喜舌所喜目所喜所好所愛皆在前

耳所聞聲歌樂善聲鼻所聞香腹中
所喜鼻聞芬芳皆在前口所嗜鹹酢
甘甜諸美味皆在前名清淨細靡所
喜皆在前是遮迦越羅王五所思也
王目未曾見惡耳未曾聞惡鼻未曾
聞臭處口未曾食不甘之物身未曾
衣麤惡之衣佛告諸沙門如是遮迦
越羅王有七寶奇物有四特異之相
有五種之思汝以王為心喜樂之不
諸沙門對曰王但有一寶心喜樂之
何況有七寶乎佛持一小石著手中
問諸沙門我手中石為大耶山為大
乎諸沙門言佛手中石小小奈何比
山乎百倍千倍万倍億倍尚不如山
大也佛言如我手中小石大不如山
大也百倍千倍万倍億倍千万倍億
万倍尚不如太山大也遮迦越羅王
雖有七寶四異相有五種所思不如天
上樂百倍千倍万倍億倍千万億倍
譬如佛手中小石與大山佛言高善
士於世間心念善口言善至誠身行
善於世間壽命盡死後皆上第二切
利天上生作天人於世間百歲為切

七重寶樹如外門高六百四十里深二百八十里以銀為欄額金兩扇金門闊五百鬼共守門天所止處縱廣二千里有七種寶壁七重七重渠水諸欄插寶樹如外門高廣深如外門等守門鬼數如外門初利天東出有遊藏處名曰難檀桓周布七億里七重壁金銀壁珊瑚壁琉璃壁青魄壁車壁水精壁有七渠水底沙皆金也有四色蓮華城上有七寶欄楯七重壁各有七寶樹金樹者金根金莖銀葉銀華銀實銀樹者銀根銀莖金葉金花金實水精樹者水精根水精莖琉璃葉琉璃華琉璃實琉璃樹者琉璃根琉璃莖水精葉水精華水精實廬大道廣六百四十里道兩邊七重壁皆金銀水精琉璃青魄珊瑚車渠一壁間皆有渠水水中有四色蓮華其水底皆有金沙壁上有欄楯皆七寶如中面有七寶樹金樹銀樹水精樹琉璃樹青魄樹珊瑚樹車渠樹其廬中有兩石一石名難一石名難遠縱廣各四千里其石軟且結細如繞經廬

大樓炭經第三卷 第十九卷

中有兩浴池一浴池名難陀二名難陀居縱廣各四千里池中生四色蓮華其一者青色二者紅色三者紫色四者白色其水底沙皆金也初利天欲遊戲時便相將詣東廬相娛樂極意是故字為難檀桓廬也出初利南城門名為寶羅瀨周布七億里其廬壁七重金壁銀壁水精壁琉璃壁青魄壁珊瑚壁車渠壁二壁間者各有一渠水水中四色蓮華其水底沙皆金也有七寶樹金樹銀樹琉璃樹水精樹青魄樹珊瑚樹車渠樹其壁上皆金銀琉璃水精珊瑚青魄車渠欄楯而純草渠欄楯寶羅瀨道廣六百四十里皆七重壁金銀水精琉璃珊瑚青魄車渠壁一壁間者有一渠水水中有四色蓮華青紅紫白其水底皆金沙有七寶欄楯金欄銀欄水精欄琉璃欄珊瑚欄青魄欄車渠欄有七寶樹金樹銀樹水精樹琉璃樹珊瑚樹青魄樹車渠樹其廬中有兩石縱廣各四千里細且軟如繞經一寶羅二者名寶多譯羅其廬中兩浴

大樓炭經第三卷 第二十卷

池一池名寶多二者名寶西池中有四色蓮華青紅紫白其水底皆金沙其廬中有四種寶樹金銀樹水精樹琉璃樹初利天出到寶羅瀨廬上戲自相娛樂娛樂無極詣四寶照詣天人今正莊欄色是故名寶羅瀨寶羅瀨者莊欄廬也初利天北出城門有廬名為頗類縱廣七億里七重寶壁七重水水底皆金沙欄楯如南方其廬道廣六百四十里廬中有兩石縱廣各四千里一者名迦羅二者名迦羅尸羅細軟如繞經有兩浴池縱廣四千里一池名乳陀起有四色蓮華青紅紫白初利天欲戲頗類廬時形體便偃如人沐浴已後身體皆滑初利天人北入廬身體皆滑是故名為頗類廬也初利天西出廬名為弥尸耶遠縱廣七億里有七重壁七渠水七寶樹七寶欄楯四色蓮華水底皆金沙如北方其道廣六百四十里七重寶壁七渠水七寶樹七寶欄楯四色蓮華水底皆金沙如北方廬中有兩好石各縱廣四千里細軟如繞經一

大樓炭經第三卷 第二十一卷

者名北羅二者名北羅越有兩浴池縱廣各四千里其池中有四色蓮華青紅紫白水底皆金沙一池名波尸二名為雲忉利天欲行到弥尸耶遠處戲時忉利天上無有尊卑富貴常弱皆得入弥尸耶遠處是故名為弥尸耶遠處忉利天上宮中中近殿前有百種色寶物在王前自布地宮中有七百樓金陛銀陛琉璃陛水精陛一陛下者各有十六琉璃柱照之宮中有四坐牀金牀銀牀水精牀琉璃牀以天坐其上念万姓善亦念諸天善天三所止處殿名為提延其殿上有百卷卷有百室室有七五五五各各有七御者其殿紺琉璃色及諸天皆繞殿南方有樹名為波質拘耆羅樹根入地二百里上枝四出樹高四千里東西二千里南北二千里樹當華時風從上吹華香下行四千里逆風行二千里樹當華時諸天共坐樹下自相娛樂百二十日天上百二十日為世間万二千歲諸天欲以白寶為戲為名曰倪羅遠為自化作三十二頭頭

大樓成經第二卷 第三張 頌

有七牙牙化作七浴池浴池中各作七蓮華蓮華枝有千葉一葉上者有一玉女儻王所思皆在前極意人於世間雖作善不能多者心念作善少口言善少身行善少雖生忉利天上不能得入象難檀桓盧也不能得入質羅盧也不能得入北頗類盧也不能得入香花婆質拘耆羅樹下但得遙觀不得前入辟若遮迦越羅三所飯食諸外宮不得妄入天上諸天不得觀者如是人於世間作善心念善口言善至誠身行善壽終已後便當得上忉利天高善士上忉利天極壽死後復下生在世間便為王侯家作太子富貴多饒寶物為人端正辟若喜掩人初得大金錢金銀珠寶奴婢車馬妻子田宅六廬舍舉有名字其人自思惟言我不賣作販賣亦不耕田自致有財我但戲耳至使得金銀珠寶舍宅田地至使有名字為富貴也佛言如戲兒得利如此為少薄耳如此為少薄耳不如心念善口言善身行善得利勝於掩者也所以然者行是

大樓成經第二卷 第三張 頌

三事死後上忉利天是高士也佛語諸沙門今我為汝曾說二道愚癡之道高善士之道今汝曾自在從何道今我作佛為汝曾說難易佛言汝曾當於山中若於樹下空室中若於塚間水所唐突處自念五內早索涅洹之道佛言是我教也諸沙門皆叉手受教言語各前為佛作礼

大樓成經四天王品第八

佛語比丘須弥山王東去須弥山四万里有提頭賴天王城郭名賢上王慶廣長二十四万里以七寶作七重壁六重欄楯七重交露七重行樹殊好周匝圍繞金壁銀門銀壁金門琉璃壁水精門水精壁琉璃門赤真珠壁馬瑙門馬瑙壁赤真珠門車渠壁一切寶門金欄楯者金柱欽銀挑銀欄楯者銀柱欽金挑琉璃欄楯者琉璃柱欽水精挑水精欄楯者水精柱欽琉璃挑赤真珠欄楯者赤真珠柱欽馬瑙挑馬瑙欄楯者馬瑙柱欽赤真珠挑車渠欄楯者車渠柱欽一切寶挑金交露銀垂瑤銀交露金垂瑤

大樓成經第三卷 第三張 頌

琉璃交露水精垂瑤水精交露琉璃
垂瑤赤真珠交露馬瑤垂瑤馬瑤交
露赤真珠垂瑤車瑤交露一切寶垂
瑤金樹者金莖根銀枝葉華寶銀樹
者銀莖根金枝葉花寶琉璃樹者琉
璃莖根水精枝葉花寶水精樹者水
精莖根琉璃枝葉華寶赤真珠樹者
赤真珠莖根馬瑤枝葉華寶馬瑤樹
者馬瑤莖根赤真珠枝葉花寶車瑤
樹者車瑤莖根一切寶枝葉華寶門
上有曲箱蓋交露下有圍觀浴池有
種種樹種種華種種花種種寶種種
香出種種飛鳥相和而鳴須弥山王
南去四万里有毗樓勒天王城郭名
善見廣長二十四万里王處亦有七
寶七重壁七重欄楯七重交露七重
行樹周匝圍遶殊好門上有曲箱蓋
交露下有圍觀浴池樹木飛鳥相和
而鳴須弥山王西去四万里有天王
毗留羅有城郭廣長二十四万里三
處亦有七寶七重壁七重欄楯七重
交露七重樹木周匝圍遶殊好門上
有曲箱蓋交露下有圍觀浴池樹木

大樓炭經卷第三

第三十三卷

飛鳥相和而鳴須弥山王北去四万
里有天王名毗沙門有三城郭廣長
各二十四万里王處一者名沙摩二
者名波迦羅曰三者名阿尼祇亦有
七寶作七重壁七重欄楯七重交露
七重行樹周匝圍遶殊好門上有曲
箱蓋交露下有圍觀浴池樹木飛鳥
相和而鳴阿尼祇三處東毗沙門天
王有山名迦比延高廣長四千里以
四寶金銀水精琉璃作之山周匝有垣
牆廣長二万里以七寶作七重壁七
重欄楯七重交露七重樹木周匝圍
遶殊好四面有門以四寶作上曲箱
蓋交露下有圍觀浴池樹木飛鳥相
和而鳴迦比延山阿尼祇王處有大
毗沙門天王浴池名郁利廣長二千
里周匝有垣牆水底皆金沙水涼且
清浴池周匝以四寶作重壁欄楯交
露樹木殊好中生青蓮華黃蓮華白
蓮花赤蓮華光顯二十四里香亦聞
二十四里浴池周匝有塔毗沙門天王
欲至迦比延山遊戯相娛樂即時念
提頭賴天王提頭賴天王即言毗沙

大樓炭經卷第一

第三十三卷

門天王以念我即時莊嚴衣被冠帽
嚴駕與無數健省和百千周匝圍
繞從賢上城出往至毗沙門天三所
在前住介時毗沙門天三念毗樓勒
天王毗樓勒天王即時念言毗沙門
天王已念我便著衣冠帽嚴駕與無
央數百千兵九鬼神從須昇旃城出
往至毗沙門天王所在前住介時毗
沙門天王念毗樓勒又天王毗樓勒
又天王即自念毗沙門天王已念我
便著衣被冠帽嚴駕與無數百千
龍俱從未利旃城出周匝圍遶往至
毗沙門天王所在前住介時毗沙門
天王著衣被冠帽嚴駕與諸天三無
央數百千諸鬼神俱往至迦比延山
時風吹掃迦比延山地風吹山中樹
華散地四天王便共入迦比延山相
娛樂快共飲食一日二日至七日以
後各自罷去

大樓炭經卷第三

癸卯歲高麗國大藏都監奉
勅雕造

大樓炭經卷第三

第二十七卷

大樓炭經卷第四

映

初利天品第九

西晉沙門法立共法輝

譯

佛語比丘須弥山王頂上有初利天廣長各三百二十万里上有釋提桓因城郭名須陀延廣長各二百四十万里七重壁七重欄楯七重交露七重行樹周匝園遶殊好皆以七寶作之金銀琉璃水精赤真珠車渠馬瑙金壁者銀門銀壁者金門琉璃壁水精門水精壁者琉璃門赤真珠壁者馬瑙門馬瑙壁者赤真珠門車渠壁者一切寶門金欄楯者金柱狀銀欄楯者銀柱狀金挑琉璃欄楯者琉璃柱狀水精挑水精欄楯者水精柱狀琉璃挑赤真珠欄楯者赤真珠柱狀馬瑙挑馬瑙欄楯者馬瑙柱狀赤真珠挑車渠欄楯者車渠柱狀一切寶挑金交露者銀垂瑤銀交露者金垂瑤琉璃交露者水精垂瑤水精交露者琉璃垂瑤赤真珠交露者馬瑙垂瑤馬瑙交露者赤真珠垂瑤車渠交露者一切寶垂瑤金樹者金根莖銀枝

華實銀樹者銀根莖金枝葉華實琉璃樹者琉璃根莖水精枝葉華實水精樹者水精根莖琉璃枝葉華實赤真珠樹者赤真珠根莖馬瑙枝葉華實馬瑙樹者馬瑙根莖赤真珠枝葉華實車渠樹者車渠根莖一切寶枝葉華實其壁高二千四百里廣千二百里其門高二千四百里廣千二百里壁相去二万里有一門各各門常有五百鬼神守初利天門門上有曲箱蓋樓觀交露下有園觀浴池有種種樹樹有種種葉華實出種種香種種飛鳥相和而鳴須陀延城中有伊羅補龍王宮廣長各二十四万里皆以七寶金銀水精琉璃赤真珠車渠馬瑙作七寶欄楯七重交露七重行樹須陀延城中有初利天帝參議殿舍廣長各二萬里高四千里以七寶作七重欄楯七重交露七重行樹同園繞二万里殿舍上有曲箱蓋交露樓觀以水精琉璃為蓋黃金為地殿舍中柱圍四百八十里門高四千里以七寶作之中有天帝釋座廣長各四十里

皆以七寶作座甚柔軟兩邊各十六座殿舍北有天帝釋後宮廣長四万里皆以七寶作七重壁七重欄楯七重交露七重樹木周匝園繞甚妙妙殿舍東有釋園觀名盧堅廣大各四万里亦以七寶作七重壁欄楯交露樹木周匝園繞甚殊好門高千二百里廣長八百里門上有曲箱蓋交露樓觀下有園觀浴池中有種種樹木葉華實種種飛鳥相和而鳴盧堅園觀中有香樹高七十里皆生華實勞者出種種香有樹高二十里三十里至六十里者寂卑者高十三里百二十步次有瓔珞樹高七十里者有高二十三十至六十里寂卑者高十三里百二十步皆生華實勞之出種種瓔珞次有衣被樹次有不息樹器樹音樂樹高七十里有高二十三十至六十里寂卑者高十三里百二十步皆生華實勞者出種種衣被瓔珞不息器音樂樹盧堅園觀中有兩石一者名賢二者名賢善以天金作石甚姝好殿舍南有天帝釋園觀名樂盧廣

長各四万里皆以七寶作七重壁欄
楯交露樹木有門高千二百里門上
有曲箱蓋交露樓觀下有園觀浴池
有種種樹葉華實浴池中有飛鳥相
和而鳴樂盡園觀中有兩石一者名
畫二者名善畫廣長各二千里石其
柔軟樂盡園觀中有香樹次有瓔珞
樹不息樹音樂樹樹高七十里者
有高二千三百至六十里最卑者高
十三里百二十步皆生華實勝出種
種香衣披瓔珞不息器音樂切利殿
東有天帝釋園觀名憤亂廣長各四
万里皆以七寶作七重壁欄楯交露
樹木周匝圍繞門高千二百里廣八
百里有曲箱蓋交露樓觀下有園
觀浴池有種種樹葉華實出種種香
種種飛鳥相和而鳴諸樹所出生亦
如南方憤亂園中有方石忉利天殿
舍西有園觀名歌儻廣長各四万里
亦以七寶作七重壁欄楯交露樹木
周匝圍繞門高千二百里廣八百里
上有曲箱蓋交露樓觀下有園觀浴
池有種種樹木葉華實種種飛鳥相

大樓炭經第四卷 第四張 曉

和而鳴歌儻園中有兩石一者名難陀
二者名和難廣長各二千里皆以天
琉璃作之甚柔軟憤亂樂盡園觀中
有浴池名難陀廣長各二千里周匝
圍繞七重垣其池水軟美且清有種
種樹周匝圍繞水底沙皆金以七寶
作七重壁欄楯交露樹木周匝圍繞上
有曲箱蓋交露樓觀下有園觀浴池
中有種種樹葉華實出種種香種種
飛鳥相和而鳴難陀浴池中有青蓮
華紅蓮華白蓮華黃蓮華大如車輪
其莖如車轂刺出其汁如乳其光照
三十里香亦聞四十里歌儻憤亂園
觀中有大樹名畫過度莖圍二百八
十里高四千里枝葉引布二千万里
忉利諸天有宮廣長四十万里皆以
七寶作七重壁欄楯交露樹木周匝圍
繞園觀浴池種種飛鳥相和而鳴種
種樹葉華實出種種香忉利天宮有
廣長各三万六千里者有天宮廣長
三万二千里者有天宮廣長二万八
千里者有天宮廣長三万四千里者
有天宮廣長二万四千里者有天宮

大樓炭經第四卷 第三張 曉

廣長二万里者有天宮廣長万六千
里者有天宮廣長万二千里者有天宮
廣長八千里者最下者廣長四千里
中復有天宮廣長三千六百里者三
千二百里者下至四百八十里皆以
七寶金銀水精琉璃赤真珠車渠馬
瑙作七重壁欄楯交露樹木園觀浴池
種種飛鳥相和而鳴忉利天殿舍前
有兩道至天帝釋後宮復有兩道至
盧堅園觀復有兩道至樂盡園觀復
有兩道至憤亂園觀復有兩道至歌
儻園觀復有兩道至難陀浴池復有
兩道至畫過度大樹復有兩道至諸
天宮復有兩道至伊羅滿龍王宮天
帝釋欲至盧堅園觀遊戲相娛樂時
念諸天王尔時諸天王言天帝釋已
念我等便整衣服著冠幘莊嚴乘騎
即共往至天帝釋所在前住尔時天
帝釋復念忉利天忉利天言天帝
釋已念我等便著衣服莊嚴種種乘
騎往至天帝釋所復念伊羅滿龍王
尔時伊羅滿龍王言天帝釋已念我
等便化作三十六頭為一一頭化作

大樓炭經第四卷 第六張 曉

六牙一牙上化作七浴池一一浴池
中化作七蓮華一一蓮華上化作
七玉女作妓樂伊羅摩龍王以是種
種作神化往至天帝釋所在前住
時天帝釋整衣服著冠幘踰龍王肩
上坐其頂上兩邊各有十六小王侍
坐天帝釋便往至盧堅園觀中
開門風開庭堅園觀門掃除風便起
吹園觀地伊羅風生吹園觀中樹華
墮地至于人膝時天帝釋與諸天俱
入園觀中便坐賢善石上若賢善石
上兩邊各有十六小王坐

余時天帝釋欲得瓔珞便告遺舍鉢
天子時天子言天帝釋已念我
便化作瓔珞持往奉上天帝釋
欲得瓔珞時遺舍鉢天子即化作瓔
珞持上忉利諸天有天人不得見盧
堅園觀亦不得入中亦不得以天樂
相娛樂所以者何前世所作功德少
有忉利天人但得遙見盧堅園觀亦
不得入亦不得以天樂相娛樂所以
者何前世所作功德復少中復有得
入以天樂相娛樂所以者何前世作

功德具足故

余時天帝釋與忉利天人在盧堅園
觀中相娛樂飲食一日二日至七日
便出去至樂園觀中相娛樂亦如是
復至憺亂歌儺園觀中飲食相娛樂
亦如是何以故言善等天人入忉利
天宮時念善義安樂是故言善等何
以故言盧堅忉利天人入盧堅園觀
中時身便盧堅是故言善等何以故
言樂善忉利天人入樂園觀中時
身便自然種種盡色是故言樂善何
以故言憺亂忉利諸天人入憺亂園
觀中時天帝釋月八日十四日十五
日便自捨婁女獨將阿須夫人遊行
余時諸天子與婁女相雜錯憺亂行
是故言憺亂何以故言歌儺忉利諸
天人入歌儺園觀中時便歌儺相娛
樂是故言歌儺何以故言盡過度大
樹有天文文陀在上居止以天五樂甚
相娛樂以是故言盡過度復次盡過
度大樹常有花寶譬如加居樹是故
言盡過度天帝釋邊常有十天子擁
護之一者名根二者名具戒三者名比

流四者名比流藏五者名阿流六者
名波流七者名利桓八者名樓漢九
者名拘和難十者名難是十天子常
擁護天帝釋天下人水中生好青蓮
華紅蓮華黃蓮華白蓮華甚香好陸
地華亦甚軟好名阿踰物名陀波羅
須文和師陀奴末俱耶居天下人鬱
單曰東方弗于逮天下人地亦如是
龍及金翅鳥水中生青蓮華紅蓮華
黃蓮華白蓮華甚香軟香好及陸地
有諸花阿踰倫水中亦有青紅黃
白蓮華柔軟甚香好陸地亦有好
華名摸大摸加加湯陀大湯陀四天
王上中生蓮華青紅黃白蓮華甚柔
軟香好陸地生花亦好忉利焰天兜
率天無貢高天他化自轉天水中亦
有青紅黃白蓮花甚柔軟香好陸地
花亦好此間人有七種色有赤色
者有金色者有青色者有黃色者
有紫色者有白色者有黑色者是有
七種色人阿須倫亦如是有七
色諸天亦余皆有七色諸天有十事
將何等為十一者飛行無極二者坐
遂無極三者諸天無盜賊四者不自說

身善亦不說他人惡五者無有相侵
六者諸天齒等而通七者駸紺青色
滑澤長八尺八者天人青色駸者身
亦青色九者欲得白者身即白色十
者欲得黑者身即黑色是為諸天十
法事此人間螢火之明不如燈火之
明燈火之明不如炬火之明炬火之明
不如大火之明大火之明不如星之明
星之明不如月之明月之明不如日之
明日之明不如四天王宮之明四天王
宮之明不如忉利天宮之明忉利天宮
之明不如天帝釋宮之明如是展轉不
如上至阿迦尼吒天宮之明阿迦尼
吒天宮之明不如摩伊破天子之明
摩伊破天子之明不如苦諦習盡道
諦之明苦諦習盡道諦之明不如佛
之明閻浮利天下人身長七尺或至
八尺者衣廣一丈長六尺俱耶居天
下人弗于逮天下人身長七尺或至
八尺者衣廣一丈長六尺鬱單曰天
下人身長一丈四尺衣廣二丈八尺
長一丈四尺衣重二兩半龍及金翅
鳥身高四十里衣廣八十里長四十
里衣重二兩半諸阿須倫本身高四

大樓炭經第四卷 第十張 曉

十里衣廣八十里長四十里衣重二
兩半四天王天上天人本身長二十
里衣廣四十里長二十里衣重二兩
半忉利天人本身長四十里衣廣八
十里長四十里衣重七銖半焰天人
本身長八十里衣廣百六十里長八
十里衣重半兩兜率天人本身長百
六十里衣廣三百二十里長百六十
里衣重兩銖樂無貴尚天人本身長
三百二十里衣廣六百四十里長三
百二十里衣重一銖他化自轉天人
本身長六百四十里衣廣千六百八
十里長六百四十里衣重半銖過其
上諸天人所著衣應其身閻浮利天
下人壽百歲或長或短俱耶居天下
人壽二百歲或長或短弗于逮天下
人壽三百歲或長或短鬱單曰天下
人皆壽千歲無中死者龍及金翅鳥
壽一切亦有中死者阿須倫天下人
壽千歲亦有中死者四天王上諸天
人壽天上五百歲亦有中死者忉利
天人壽天上千歲亦復有中死者焰
天上諸天人壽天上二千歲亦有中

大樓炭經第四卷 第十一張 曉

天者兜率天上諸天人壽天上四千
歲亦有中天者樂無貢高諸天人壽天
上八千歲亦有中天者他化自轉天
上諸天人壽天上萬六千歲亦有中
天者梵迦夷天上諸天人壽一劫亦
有中天阿波波天上諸天人壽二劫
亦有中天者首陀行天上諸天人壽
四劫亦有中天者遺呼鉢天上諸天
人壽天上八劫亦有中天者無想天
人及餓鬼壽天上七劫亦有中天
者阿毘波天上諸天人壽十劫亦有
中天者阿答和天上諸天人壽二十
劫亦有中天者修陀旃天上諸天人
壽四十劫亦有中天者須陀旃天上
諸天人壽八十劫亦有中天者阿
迦尼吒天上諸天人壽百劫亦有中
天者虛空知天上諸天人壽萬劫亦
有中天者識知天上諸天人壽二萬
劫亦有中天者阿竭若然天上諸天
人壽四萬劫亦有中天者無思想亦
有思想天上諸天人壽八萬劫無有
天者
佛言為人民四種食以豎立身何等

大樓炭經第四卷 第十二張 曉

為四一者見取食二者溫食三者意食四者識食是為四種食何等為所取食閻浮利天下人食米飯麴麴肉魚衣被澡浴以是安隱食西方俱耶屋東方弗于逮天下人亦如是鬱單曰天下人食淨潔自然粳米是為見取食及澡浴龍及金翅鳥食魚鱉及食提米提歷大魚是為取食及沐浴河湏倫食自然食及衣澡浴四天王諸天食自然食衣被及澡浴切利諸天亦食自然食衣被及澡浴燄天兜率天無貢高天他化自轉天人皆食自然之食及衣被沐浴從他化自轉天以上用禪好喜作食以定意作食何等入食溫食卵種之類食溫食是為溫食也何等為意念作食者其有意念肉食相是為以意念作食何等為識食者泥犁中人及無想天人以識作食是為識食是為四種食為人民故生以堅立身命閻浮利天下人以金銀珍寶米穀錢財生口市買價販俱耶屋天下人以牛馬米穀珠玉作市販賣弗于逮天下人以金銀珍寶

米穀錢財生口市買價販鬱單曰天下人無市買價財諸天亦亦閻浮利天下有男女誓姻之事俱耶屋弗于逮天下人亦有男女誓姻之事鬱單曰天下人無誓姻之事若男子起姪姪意向女人時相視便度道去男子在前女人在後有樹曲合如交露北方天下人在其中止男女各異處便共往至其樹下若樹枝陰覆其上上便共交通樹不覆人上者不行交通之事各自別去龍及金翅鳥有男子女人誓姻之事河湏倫亦有男女誓姻之事從是以上無有誓姻之事閻浮利天下人男女共居止交通俱耶屋弗于逮鬱單曰天下人男女行陰陽之事龍及金翅鳥男女亦有陰陽之事諸阿須倫男女亦行陰陽之事四天王天上人男女亦行陰陽之事切利天上人男女以風為陰陽之事燄天人男女以相近成陰陽之事兜率天人男女相牽手便成陰陽無貢高天人男女相視便成陰陽他化自轉天人念姪欲便成陰陽從是以上

離於欲其有人身行惡口言惡心念惡從是人間命盡墮泥犁中受命及得名色得六入有人身行惡口言惡心念惡從是人間命盡墮畜生受命及得名色得六入其有人身行惡口言惡心念惡從是人間命終墮餓鬼中受命得名色得六入其有人身行善口言善心念善命盡便生為人受命得名色得六入其有人身行善口言善心念善從是人間命盡便生四王天上受命得名色得六入入辟如閻浮利天下人小兒年一歲若一歲半人始生天上作天子如是諸天憶如是我男女通生天上便自知宿命我用何等因緣得來生此即自說我用三事實得生此何等為三一者布施二者持戒三音響惡是為三我天上壽盡當復還生世間在人間亦復身行善口言善心念善終之已後當復還天上生天子說是已便念欲得食即自然滿寶器食在前福德少者自然青飯食在前福德中者自然赤飯食在前福德

上者自然白飯食在前天人便取食之時於口中自消盡酥若麻油著火上即消滅天人食時如是於口中便自消滅渴時即自然滿寶器甘露漿在前福德少者自然青色漿在前福德中者自然赤色漿在前福德上者自然白色漿在前便取飲之於口中自消滅辟如酥麻油著火上即消滅如是天人飲漿時便於其口中自消滅飲食竟已即長大如四天王上餘天人便往至浴池中浴自娛樂從浴池出往至香樹下取種種香塗身往至瓔珞樹下樹自便取樹瓔珞著之復至衣服不息樹下樹自便取衣服不息著之復至器果音樂樹下樹自便取器果食之清其汁飲之復取音樂鼓之自隨其歌僊往入園觀舍宅見無央數百千玉女作音樂歌舞相娛樂觀東面玉女便忘西面玉女觀西面玉女便忘東面玉女天子便自念言我前世用何等因緣故得來生此間今時皆忘前世事望見玉女故嬖亂失意玉女名

大樓炭經第四卷 第六張

不念所以名不念者用男子見失意故其有人身行善口言善心念善於是人間命盡生忉利天上時辟如閻浮利天下人二歲若三歲身長大如是諸天憶知是我男是我女天子便自念宿命何以故得生此用布施持戒棄惡故欲得飲食時便自然滿金器在前隨福德上中下生白赤青在前便取飲食之於口中自消盡辟如持酥麻油著火上即自消滅天人飲食時如是食已身即長大辟如忉利天人便往至浴池中洗浴自娛樂出往至香樹瓔珞衣被不息器果音樂樹下樹枝自便取香塗身取瓔珞不息衣被著之取器果取音樂鼓之歌僊入園觀舍宅見無央數百千玉女便忘前世因緣不能復念其有人身行善口言善心念善從是人間命盡便上生熾天上受命適生時其身如閻浮利天下人三歲四歲天子身自然長大如是亦復自念前世布施持戒棄惡故得生天上欲得飲食時亦自然寶鉢滿在前便飲食即口

大樓炭經第四卷 第七張

中消盡辟如持酥麻油著火上即消滅食已入浴池洗浴出至諸樹間樹枝自便取其所有飲食作音樂歌舞入園觀舍宅見無央數百千玉女其意擾亂不復念宿命之事其有人身行善口言善心念善從是人間命盡便上生兜率天上適生身體長大如閻浮利天下人四歲五歲亦自知前世所作布施持戒棄惡亦食自然之飲食身即長大如餘天人往至浴池洗浴出到諸樹下各取所有作妓樂歌舞入園觀舍宅見無央數百千玉女煩亂其意不能復念宿命其有人身行善口言善心念善命盡生無量天上適生身長大如閻浮利天下人五六歲若生他化自轉天上適言生身如閻浮利天下人六七歲身即長大自知宿命布施持戒棄惡亦食自然飲食入浴池洗浴出至諸樹間樹枝自便各取所有衣被瓔珞不息著之取器果作音樂歌舞入園觀舍宅見無央數百千玉女煩亂其意不能復念宿命

大樓炭經第四卷 第八張

佛言十五日有三齋何等為三齋月八日十四日十五日是為三六何為月八日齋月八日齋時四王告使者言往案行四天下觀視萬民知世間有孝順父母者不有承事沙門婆羅門道人者不有敬長老者不有齋戒守道者不有布施者不有信今世後世者不使者受教四布案行天下還具白言多有不孝父母不敬事沙門婆羅門道人長老不齋戒布施四天王聞之即不歡喜說言今我聞惡語是為減損諸天增益阿須倫種若多有孝順父母沙門婆羅門道人長老者多有齋戒布施信今世後世者具白之四天王聞之即大歡喜說言我今聞善言用人多有作善者增益諸天減損阿須倫種是為月八日齋十四日齋云何十四日齋時四天王自告太子四布案行天下觀視萬民還具白意言多有作惡者四天王聞則不歡喜說言人多有惡者減損諸天增益阿須倫種得善多者四天王則喜言增益諸天減損阿須倫種是為

大權法華經第四卷 第十九章 讚

十四日齋法云何為十五日齋十五日齋時四天王躬身自下四布案行天下觀視百姓寧有孝順父母沙門道人敬長老齋戒布施信今世後世者不多有不能者即時四天王入善等正天中白天帝釋言世間多有不孝父母沙門道人多不敬長老齋戒布施不信今世後世者天帝釋聞已言我為聞惡坐其不作善故減損諸天增益阿須倫種作善多者四天王入為善等正天具白天帝釋及忉利天人忉利天帝釋則大歡喜言我今以聞善語用世間人作善多故增益諸天減損阿須倫種是為月十五日齋時是為十五日三齋

佛告比丘言若有異道人問言一切男子女人初生時有隨後護之不若異道人問是者汝曹當報言街巷市里一切屠殺屠塚間皆有非人無空缺處其非人名隨報郡國縣邑立墟名如江河山川所有名非人亦作是名如人所作名護非人亦作是名其有樹高七尺圍一尺者上悉有神

大權法華經第一卷 第三十章 讚

其有人於是人間身行惡口言惡心念惡作十惡者千人百人一神護之譬如百群牛羊若干牛羊群一人牧護之佛言如是其有人身口言惡心意念惡者百人千人有一神護耳其有人於此人間身行善口言善心念善奉十善事者是法人正見不轉人等一人常有百若干非人護之譬如王君大臣一人常有百若干人在傍護之佛言如是其有人身口意行善奉十善事者是尊法正見之人等一人常有百若干非人在後護之是謂為男子女人常有非人護之有三事閻浮利天下人勝俱耶居天下人何等為三一者意勇猛在因緣地二者此間人意勇猛修梵行三者此間人意勇猛趣佛是為三有三事俱耶居天下人勝閻浮利天下人何等為三牛羊珠玉多是為三勝閻浮利天下人閻浮利天下人有三事勝弗于逮天下人何等為三一者此間人意勇猛在因緣地二者此間人意勇猛修梵行三者此間人有勇猛意趣佛是為

大權法華經第四卷 第二十章 讚

三弗于逮天下人有三事勝閻浮利天下何等為三一者其地極廣二者其地極大三者其處極富是為三勝閻浮利天下人閻浮利天下人有三事勝鬱單曰天下人何等為三一者意勇猛在住二者意勇猛修梵行三者有勇猛意趣佛是為三鬱單曰天下人有三事勝閻浮利天下人何等為三一者無所繫屬二者不畜奴婢婦子三者壽千歲無所缺減是為三閻浮利天下人有三事勝阿須倫何等為三一者意勇猛在住二者意精進修梵行三者有勇猛意趣佛是為三諸阿須倫有三事勝閻浮利人何等為三一者壽命長二者得久在三者多安隱是為三閻浮利人有三事勝四天王天上人何等為三一者意勇猛在住二者意勇猛修梵行三者有勇猛意趣佛是為三四天王天上人有三事勝閻浮利天下人何等為三一者長壽二者得久在三者多安隱是為三閻浮利人有三事勝切利天人焰天兜率天無貢高天他化自轉

大樓炭經第四卷

卷第二十二

天人何等為三一者意勇猛在住二者意勇猛修梵行三者有勇猛意趣佛是為三切利天焰天兜率天摩羅天婆羅尼蜜利耶起致天有二事勝閻浮利人何等為三一者壽命長二者得久在三者多安隱是為三欲界人有十二種何等為十二一者泥犁二者禽獸三者薛荔四者世間人五者阿須倫六者四天王七者忉利天八者焰天九者兜率天十者無貢高天十一者他化自轉天十二者魔天是為十二種人為欲界色行天有十八何等為十八一者梵加夷天梵不數樓天梵波利沙天大梵天阿維比天波利答天阿波羅鄰天波利多首天阿波羅天摩首天阿波羅天維阿天波利多維天阿波羅維呵天維呵天維阿鉢天阿答和天善見天色天阿迦尼吒天是為十八色行天無色行天有四何等為四一者虛空智天二者識智天三者阿竭然天四者無思想亦有思想天是為四無色天佛告諸比丘言昔者持地大天神

大樓炭經第四卷

卷第二十三

發起是惡見言但有地無有水亦無有火無有風
佛言我今時往至持地大神所告持地天神言汝為實發起是惡見言地無有水火風不天言唯然世尊佛言天莫說地無水火風所以者何地有水火風地星數最深佛言我能知持地大神發起惡見我但以法勸助令意開解歡喜即立遠塵離垢諸法法眼生譬如白繒淨好持著漆中則受染色好佛言如是持地大神立遠塵離垢諸法法眼生今時持地大神見在得法行斷狐疑白佛言我從今已往盡形壽歸命佛歸命法歸命比丘僧受持優婆塞戒常有慈心於人及蜎蜚蠕動之類也佛告比丘昔者持水大神發起是惡見言但有水無有地亦無火風我今時往至持水大神所問持水大神言汝實為發起惡見言但有水無有地火風耶神言唯然世尊佛言大神莫得說是語所以者何有水亦有火地風但水里數大深水神即棄捐惡見我但以法勸助令意

大樓炭經第四卷

卷第二十四

開解歡喜即立遠塵離垢諸法法眼
生譬如白繒淨好持著漆中便受好
色持水大神亦如是現在得法行無
有狐疑即白佛言我從今已往盡示
壽歸命佛歸命法歸命比丘僧受戒
常慈心於人及諸蜚蠕動之類

佛告比丘昔者持火大神發是惡見
言從火無有地水風我今時往至持
火大神所問言汝實為發是惡見言
從火無地水風不火神言唯然世尊
佛言天神莫得說是語所以者何有
火亦有地水風今時持火大神即棄
捐惡見我便以法勸助令意開解歡
喜即立遠塵離垢諸法法眼生譬如
白繒淨好持著漆中即受好色持火
大神亦如是現在得法行無有狐疑
白佛言我從今已往盡示壽歸命佛
歸命法歸命比丘僧受持戒作優婆
夷常有慈心於人及諸蜚蠕動之類
佛告比丘昔者持風大神發是惡見
言從風無地水火我今時往至持風
大神所問之言汝實發是惡見言從
風無地水火耶風神言世尊唯然佛

大搜炭經第四卷 第二三張

言莫得說是語所以者何有風亦有
地水火但風里數大深今時持風大
神便棄捐惡見佛言我以法勸助令
意開解歡喜即立遠塵離垢諸法法
眼生譬如白繒淨好持著漆中即受好
色持風大神亦如是現在得法行無
有狐疑即白佛言我從今已往盡示壽
歸命佛歸命法歸命比丘僧受戒作
優婆夷常有慈心於人及諸蜚蠕動
之類佛告比丘言雲有四色何等為
四一者有青色二者有赤色三者有
黃白色四者有黑色其有青色雲者
中有水界大多其有赤色雲者中有
火界大多其有黃白色雲者中有地
界大多其有黑色雲者有風界大多
雷電有四品何等為四一者東方電
名百主二者南方電名身味三者西
方電名阿竭羅四者北方電名何祝
藍何以故於虛空有電出聲有時身
味電與何祝藍合諍聞用是故虛空
中出聲或身味電與百主電共聞諍
是故雲中出聲有時何祝藍電與身
味電共諍聞時是故虛空中出聲何

大搜炭經第四卷 第二三張

以故虛空中出聲有時地種與水
種共諍聞地種與火種共諍聞地種
與風種共諍聞譬如出山相搏却住
佛言如是地種與水火風種共諍聞
是故虛空中出聲此事却雨復有五
事失雨何等為五一者於是天雲起
雷出電現應人謂當天雨有時風種
大起吹至遠山間壑澤廣雨是為一
事失雨復次天雲起雷出電現應人
謂天當雨有時火種起熾燒雨水是
為二事失雨復次天雲起雷出電現
應人謂天當雨有時阿須倫王便兩手
取雨水著大海中是為三事失雨復
次天雲起雷出電現應人謂當雨時
雨師反姪亂是故天雨不數時節是
為四事失雨復次國君行非法奉瘡
法多瞋恚忌天雨便不時節是為五
事失雨

大搜炭經卷第四

甲辰歲高麗國大藏都監奉
勅雕造

大搜炭經第四卷 第二三張

大樓炭經卷第五

西晉沙門法立共法炬

譯

戰鬪品第十

佛告比丘昔者諸天欲與阿須倫共
戲戰鬪諸天便在一面住舍營時天
帝釋告忉利諸天言若使我諸天得
勝阿須倫壞者當以五繫縛維摩質
阿須倫天帝釋勅諸樂天等忉利天
即受天帝教令時維摩質阿須倫亦
復告諸阿須倫言若使諸阿須倫得
勝諸天壞者便當取天帝釋以五繫
縛之諸阿須倫受教令時天與阿須
倫共戰鬪諸天便得勝忉利天便取
維摩質阿須倫以五繫縛將至善等天
以見天帝釋若維摩質阿須倫念言
我樂在天上者便自見繫縛已解自
然天五樂在前若維摩質阿須倫自
念欲還便自還五繫縛失天五樂佛
告諸比丘阿須倫所被繫縛如是魔
所繫縛復劇若是念為魔所縛不念
為魔所解有我念有吾有我為者無
有我是亦為著有是有亦為者無有是

是亦為者亦不有是亦不無是亦有
者有相者是亦為者無想者是亦為者
亦不有想亦不無想是亦為者疫病是
為者瘡是為者痛賢者弟子聞是者
病者瘡者痛樂無所著行是我者是
為者是為不專一為乱是為展轉有
我是為者無有我是亦為者有是
為者無是為者亦不有是亦不無
是亦為者有想是為者無想是為
者亦不有想亦不無想是亦為者
病瘡痛賢者弟子聞是者病瘡痛便
樂無所著行佛告比丘昔者阿須倫
與天戰鬪釋提桓因告忉利諸天若
諸天得勝便當五繫縛維摩質阿須
倫諸天即受教令時維摩質便復告
諸阿須倫若我曹得勝者便當共取
天帝釋五繫縛之便共戰鬪諸天便
得勝則取維摩質阿須倫五繫縛之
將至善等天等以見天帝釋維摩質
阿須倫行來善等天等所見者便罵
詈惡口令時侍者於天帝釋前便說
偈言
天帝釋為恐耶 無有力而寂寞

大樓炭經卷第五 第二張

目前聞維摩質 口所出虛惡語
令時天帝釋報侍者說偈言
我不用恐故寂 力不少於維摩
云何人智慧者 寧當與愚癡諍
令時侍者於天帝釋前說偈言
若愚癡來聞時 不當應忍此事
於彼當以撻杖 便撻擊是愚癡
令時天帝釋報侍者說偈言
我已為了知是 不當與愚癡語
若愚者有瞋恚 智慧者不欲諍
令時侍者於天帝釋前說偈言
當知是如是寂 天帝釋當見因
用愚癡謂智為 以恐畏故寂寞
其愚癡自謂為 用恐畏故默聲
用是故復來聞 王恐捨如牛走
令時釋提桓因報侍者說偈言
念未婉輕易我 謂為恐故默然
身之利第一義 無有與忍辱等
其是者獎惡人 身有起瞋恚意
不當發瞋恚向 瞋恚者便共諍
令時釋提桓因重復報侍者說偈言
所作有二因緣 為身故及他人
告有起諍鬪者 智慧者不與鬪

大樓炭經卷第五 第三張

若有作是二事 為己身及他人
人謂是為愚癡 用不解於法故
無力者謂有力 其有力癡強者
行法者其筋力 無有能降伏者
其有是筋力者 於劣人其寂寞
我知忍為最上 涕忍辱於劣人
佛告比丘欲知今時天帝釋是我身
我忍辱如是我今亦復忍辱佛語比
丘昔者阿湏倫與天共闘得勝諸天
即壞天帝釋便坐千馬車走還見睽
披大樹上有鳥諸巢中有二卵便自
說偈言

語御者鳥睽披 迴馬車當避去

寧阿湏破壞我 莫令壞是兩卵

御者即受天帝釋教迴千足馬車避

去諸阿湏倫見天帝釋千足馬車迴

還便言欲求與我戰闘以阿湏倫即

恐怖忙走諸天即得勝佛告比丘欲

知今時天帝釋不則我身是我今時

以慈心念一切人民及諸蜚語動之

類亦如是

佛告比丘昔者諸天與阿湏倫共戰

闘諸天得勝阿湏倫壞今時天帝釋甚

大樓炭經第五卷 第三張 眼

歡喜還造起大講堂名為勝何以故
名為勝勝諸阿湏倫故作百重欄楯
一一欄楯間各作七百交露一一
交露中有七百玉女一一玉女有七
百侍者今時天帝釋不復愛諸玉女
衣被飲食各如前世所行自然為生
起講堂千世界中講堂無與天帝釋
講堂等者阿湏倫王念言我威神乃
尊如是諸日月及初利天於我上虛
空中住還我欲取日月之光明者耳
中行至十方念是已便瞋恚無所復
隨避今時阿湏倫王念維摩質阿湏
倫維摩質阿湏倫既知之便著種種
具莊取種種兵仗騎乘無央數阿湏
倫百千俱往至阿湏倫王所在前住
今時阿湏倫王復念舍摩利阿湏倫
舍摩利阿湏倫即復知之便著種種
具莊取兵仗騎乘與無央數百千阿
湏倫往至阿湏倫王所在前住今時阿
湏倫王復念滿由阿湏倫祿羅阿湏
倫即知之便著種種具莊取兵仗與
無央數百千阿湏倫俱往至阿湏倫
王所在前住今時阿湏倫王自著種

大樓炭經第五卷 第三張 眼

種種具莊取兵仗騎乘與無央數百千
阿湏倫王圖遠徙城出往欲與初利
天共戰闘今時難頭和難龍王以身
繞湏彌山七匝而震動湏彌山以尾
掉扇大海其水跳上至湏彌山邊三
百三十六万里初利天即知阿湏倫
欲來與天戰闘今時海中諸龍著種
種種具莊取兵仗騎乘皆往逆諸阿湏
倫共闘若闘得勝者遂諸阿湏倫入
其城郭若諸龍壞不能勝者便往至
拘蹄鬼神所語諸拘蹄鬼神言諸阿
湏倫欲與諸天戰闘共去逆闍來拘
蹄諸鬼神聞諸龍語便著種種衣被
具莊取兵仗騎乘共往逆阿湏倫使
戰闘若能勝者遂阿湏倫至其城郭
不能勝者即往至持華鬼神所語諸
持華鬼神言阿湏倫欲與天共戰闘
當俱往逆逐之持華鬼神從龍及拘
蹄鬼神聞是語便著種種具莊取兵
仗騎乘共往逆與阿湏倫共戰闘若
得勝者便逐入其城郭若不能勝者
便往至菴陀末鬼神所語菴陀末鬼
神言諸阿湏倫欲與諸天共闘當共

大樓炭經第五卷 第六張 眼

往逆逐之。蔡隨末鬼神聞之。便著種種具。莊取兵仗騎乘。共往逆阿須倫。共戰。聞得勝者。即逐阿須倫。至其城郭。不能勝者。便往至四天王。上語四天王。言諸阿須倫。欲與天戰。聞當共往逆戰。聞逐之。諸天聞之。介時毗沙門大天王。念提頭賴天王。提頭賴天王。即知之。便著種種具。莊取兵仗騎乘。與無央數提頭羅百千俱。前後圍繞。往至毗沙門大天王。所住介時毗沙門天王。復念畢樓勒天王。畢樓勒天王。即知之。便著種種具。莊取兵仗騎乘。畢樓勒天王。與無央數諸天。又與無央數百千俱。畢樓勒天王。又與無央數諸龍百千俱。前後圍繞。往至毗沙門大天王。所住介時毗沙門天王。著種種具。莊取兵仗騎乘。與無央數百千諸鬼神俱。圍遶及諸天王。往與諸阿須倫。共戰。聞若能得勝者。便逐諸阿須倫。至其城郭。不得勝者。即往至善等天。等白天帝。釋及語。切利諸天。言諸阿須倫。欲與天戰。聞當共往逆戰。逐之。介時天帝。釋告諸天。

大樓炭經第五卷 第一張

言往至須焰天子。所禁兜率天子。所居摩羅天子。所波羅尼摩天子。所言阿須倫。欲與諸天共戰。聞當共往。聞逐之。波羅摩天子。即受天帝。釋教。往語上四天。如是。便各著種種具。莊取兵仗騎乘。來下天。與無央數天人。焰天。往須弥山。東脅護。切利天。兜率天。人。往與無央數天。人在須弥山。南脅。住。居摩羅天子。與無央數諸天。住須弥山。西脅。護。切利天。故波羅尼天子。與無央數諸天。往住須弥山。北脅。護。切利天。故。

介時天帝。釋念維縵諸鬼神。維縵諸鬼神。即知之。便著種種具。莊取兵仗騎乘。往至天帝。釋所住介時天帝。釋念善住。為王善住。為王。即知之。便著種種具。莊取兵仗騎乘。往至天帝。釋所住介時天帝。釋復念諸天王。諸天王。即知之。便著種種具。莊取兵仗騎乘。往至天帝。釋所住介時天帝。釋復念切利諸天。切利諸天。即知之。便著種種具。莊取兵仗騎乘。往至天帝。釋所住介時天帝。釋。

大樓炭經第五卷 第八張

釋自著種種具。莊取兵仗騎乘。坐善住。為王。骨上。與無央數百千諸天。俱前後圍繞。出天宮。往至諸阿須倫。所共戰。聞刀。刀。矛。箭。弓。弩。以刺傷。諸阿須倫。身。所毒。痛。不可言。以因緣。故。亦不死。諸阿須倫。亦如是。用。七。寶。刀。刀。矛。箭。弓。弩。以刺傷。諸天。身。毒。痛。不可言。以因緣。故。亦不死。欲行天。亦如是。與諸阿須倫。戰。聞。因欲。藏。故。欲。因緣。故。乃是。

大樓炭經三小劫品第十一

佛告比丘。有三小劫。何等為三。一者。刀。劍。劫。二者。穀。貴。劫。三者。疫。病。劫。是為三小劫。刀。劍。劫者。去。何。刀。劍。劫。時。人多。非法。愚。癡。邪。見。行。十。惡。事。用。人行。是。惡。事。故。諸。所。有。美。味。酥。麻。油。蜜。石。蜜。諸。所。有。皆。滅。諸。有。好。衣。錦。白。氎。皆。滅。盡。是。天。下。地。山。林。嶺。谷。崖。岸。自然。生。諸。珠。琉。璃。水。精。諸。寶。皆。沒。地。中。但有。棘。岸。刀。劍。劫。時。人。民。不。孝。順。父。母。不。承。事。沙。門。道。人。不。敬。尊。長。其。惡。名。遍。流。行。佛。言。辟。如。今。世。人。孝。順。父。母。敬。順。事。沙。門。道。人。承。用。長。老。言。其。

大樓炭經第五卷 第九張

善名聞流布如是刀劍劫時人民不

孝順父母不承事道人沙門不敬長

老惡名聞流布刀劍劫時都無有善

何況有行善者耶刀劍劫時是天下

人無有賈貨者諸大樹木皆墮地但

有溝坑高卑不平有水蕩波震崩岸

河水深在底人民少但懷恐怖衣毛

為豎刀劍劫時人民相見但欲相賊

害辟如野澤之中獨者見麋鹿欲殺

害之如是刀劍劫時人民相見但欲

相賊害手捉取草木凡石皆化為刀

劍展轉相殺劫時人壽十歲耳中有點

者智慧走入山林溪谷深河岸中藏

匿言無有能救我者我亦不救人便

在彼食果藏樹根刀劍劫者相殺七

日乃休尔時人民死者皆墮泥犁中

所以者何彼刀劍劫時人各懷毒意

相念惡無善意而死刀劍劫時如是也

佛語比丘穀貴劫時云何穀貴劫中

時人民多非法是癡邪見嫉妬慳貪

守財不肯布施用是故天雨不為時

節用天雨不時節故人民所耕種枯

死不生但有枯莖用是故穀貴人收

掃畦中落穀糞自活命穀貴劫時如

是也復次穀貴劫時人行掃街市里

均穀以自給活復次穀貴劫時樹葉

落入地人墜地取樹葉煮食之穀貴

劫時人民困厄如是也穀貴劫時飢

餓死者多歲死骸骨解散在地人皆

飢餓收取市里街道骸骨煮用食之

人民飢餓乃如是也穀貴劫時人死

者墮餓鬼中所以者何穀貴劫時人

民相嫉妬慳貪是為穀貴劫也

佛語比丘疾病劫時云何疾病劫時

人民奉行經戒正見離邪見行十善

事用是故尔時他方世界諸鬼神來

燒是諸人搗搗諸人撓亂其意此間

鬼神撓亂是故他方鬼神得來燒諸

人搗搗撓亂其意辟如王者若大目

勒兵使守護城門此諸姪亂若他國

有強賊來抄掠此郡國縣邑如是疾

病劫時人民奉行經戒正見離邪見

奉十善事他方鬼神來觸撓人搗搗

撓亂其意疾病劫時人死者皆生天

上所以者何疾病劫時人民轉相勞

問言云何為安隱不為老耄是為疾

病劫時是為三小劫也

大樓炭經災變品第十二

佛語比丘天地有三災變何等為三

一者火災變二者水災變三者風災

變是為三災變災變時人會三處何

等為三遭火災變時人志上第十五

阿術貨羅天上聚會衆多遭水災變

時人志上第十九首皮斤天上聚會

衆多遭風災變時人志上第二十三

維呵天上聚會衆多遭火災變時天

下人皆行非法邪見不見正犯十惡

事用人民皆行非法奉邪見不見三

行行十惡事故天雨不時節天不雨

已後是天下所有樹木草藥万物皆

枯死不復生佛告比丘言是為非常

無堅固不得久是為老極故當創厥

至今一切度自求解脫矣久久不可

計大亂風起入大海三百三十六万

里取日大城郭上須弥山邊百六十

八万里著今日道中用是故世間有

兩日出日之後諸渠小河水皆

枯竭無有水佛言是為非常無堅固

不得久是為老極故當創歇至得解

脫自然之道後時久久不可復計。亂風起吹彼大海水三百三十六万里入取日大城郭上須弥山王邊百六十八万里著日城郭道中用是故世間有三日出諸有大河江流邪遠阿夷趣摩醯和叉信他流江皆枯盡無有餘也。佛語比丘非常無堅固乃如是。是為老極故當創歇遠之至得解脫自然之道矣。後復久久不可計有大亂風起吹海水波三百三十六万里入取日大城郭上須弥山王邊百六十八万里著日道中用是故世間有四日出諸流泉大泉及阿耨達池紅蓮華池青蓮華池白蓮華池黃蓮華池摩那街大池那利大池皆枯盡無餘也。佛語比丘非常無堅固乃如是。不可得久是為老極故當創歇遠至得解脫自然之道矣。後復久久不可計大亂風起吹大海水波三百三十六万里入取日大城郭上須弥山王邊百六十八万里著日道中用是故世間有五日出大海水稍減四千里八千里万二千里至減二

大樓炭經

第五卷

第十三經

万八千里佛語比丘非常無堅固乃如是。不可得久是為老極故當創歇遠至得解脫自然之道矣。五日出時燃大海水至餘有二万八千里万八千里万四千里八千里四千里有時海水稍減餘有七樹六樹五樹四樹三樹二樹一樹後稍減餘有七人六人五人四人三人二人一人海水餘有沒一人後稍減至人腰稍至人膝後餘有少許水辟如天雨牛蹄中水後稍減久久大海水皆盡不能濕人指。辟如脂膏之汁者。火中即無烟矣。佛語比丘非常無堅固乃如是。故當創歇遠至得解脫自然之道矣。後復甚久久不可計大亂風吹大海水波三百三十六万里入取日大城郭上須弥山王邊百六十八万里著日道中用是故世間有六日出四大天下及八万城大山及須弥山王皆燒炙出烟辟如大陶家初然火出烟狀。佛語比丘如是。世間有六日出時燒炙四大天下及八万城諸大山須弥山王皆烟出辟如脂膏濕著大火中即無烟矣。佛語比丘非常無

大樓炭經

第五卷

堅固故當創歇求索解脫得自然之道矣。後復甚久久有大亂風起吹大海水波三百三十六万里入取日大城郭上須弥山王邊者日道中用是故世間有七日出四大天下及八万城諸大山須弥山王皆燒炙動。辟如大鼎鑊熾其火鑊沸踊躍七日出時如是也。四天下切利天焰天兜率天居摩羅天波羅居蜜天梵迦夷天宮皆燒炙動搖也。風高諸天宮上者阿衛貨羅天彼諸初生天子見火皆恐怖先生諸天語初生天子汝莫怖恐我昔更見燒時火齊此不過尔時四大天下及八万城諸大山及須弥山皆燒炙動搖須弥山王四千里一崩墮八千里万二千里万六千里二万四千里三万八千里而崩墮。辟如脂膏濕著大火中即無烟亦無餘矣。佛語比丘所有非常無堅固乃如是。是為老極故當創歇遠至得解脫自然之道。誰當信世間有七日出時獨有見者信之耳。誰當信四大天下及八万城諸大山及須弥山王燒

大樓炭經

第五卷

第十五經

出烟獨有見者信之耳誰當信四大天下及八万城諸大山及須弥山王欽哉動搖及四天王忉利天焰天兜率天無貢高天他化自轉天梵迦夷天皆欽哉動搖風舉諸天宮上十五阿衛貨羅天上者獨有見者信之耳誰當信須弥山王盡破壞無復有焦山土處諸泥犁一切皆破滅盡已後畜生禽獸皆復滅盡已然後餓鬼皆復滅盡已後阿須倫皆復滅盡已後人皆死盡及四王天忉利天焰天兜率天無貢高天他化自轉天梵迦夷天人皆滅盡是謂天地燒人皆會一處然後甚大之云有大雲起放大雨其沛大如車輪滿諸江海稍稍聚水上至梵迦夷天復至第十五光明聲天上其水四面有風形持之第一風名住風二者助風三者不動風四者堅風是為四後久久大復久數千萬歲水稍稍耗減無央數百千由旬有風名僧竭周匝四面起吹水稍稍減其上波起生厚沫化作七寶交露如是轉上至第七天上造作宮殿後久久數千萬歲水稍稍耗減數百千由旬數百

大藏經卷第三卷 第十六張

千由旬亂風從四面起吹撓水上生厚沫化為七寶金銀琉璃水精車乘馬瑙赤真珠成為交露金風持造第六波羅尼和耶趣天人所居處後久久甚遠數千萬歲水稍稍減亂風名蔡竭從四面來吹水上波起生厚沫化為七寶金銀琉璃水精赤真珠車乘馬瑙成為交露舍亂風持上第五天上造作天人宮殿竟後久久數千萬歲水下遂耗減亂風從四面來吹水上波起生厚沫化為七寶持上造作第四兜率天上第三焰天作宮殿後復久久數千萬歲水下稍稍耗減數千萬由旬亂風從四面來吹水上波起生厚沫化為四寶一者黃金二者白銀三者琉璃四者水精亂風持以於世間天中央造作須弥山王高三百三十六万里廣縱亦三百三十六万里其東脅天白銀南脅天青琉璃西脅天水精北脅天黃金復久久數千萬歲水下遂稍稍減數千萬由旬亂風從四面來吹撓其水上生厚沫化為七寶金銀琉璃水精赤真珠車乘

大藏經卷第三卷 第二張

馬瑙成交露亂風持上須弥山王上造作第二忉利天宮殿竟後復久久數千萬歲水下稍稍耗減數千萬由旬亂風從四面來吹撓其水上波起生厚沫化為七寶成交露亂風持上須弥山王百六十八万里中半造作第一天上人宮殿竟後復久久數千萬歲水下稍稍耗減亂風從四面來吹撓其水上波起生厚沫化為金剛亂風於四大天下及八万城外造作山高六百八十万由旬凡合而四币名大鐵圍山後復久久數千萬歲水下稍稍耗減亂風從四面來吹撓其水上波起生厚沫化為金剛亂風復取於四大天下及八万城外凡币四合復造作第二大山其山高六百八十万由旬其後水下稍稍耗減數千萬歲亂風從四面來吹撓其水上波起生厚沫化為七寶金銀琉璃水精赤真珠車乘馬瑙圍繞造作八重山高百六十八万里名何多利甚殊好其水下遂稍稍減數千萬里亂風從四面來吹撓其水上波起生厚沫化為

大藏經卷第三卷 第十八張

七寶持著阿多利山周帀造作第二山名伊沙多高百三十四万里甚姝好第三山名喻漢多高四十八万里廣亦四十八万里第四山名善見高二十四万里廣亦二十四万里第五寶山名阿波左高十二万里廣亦十二万里第六寶山名左弥多羅高四万四千里廣亦四万四千里第七寶山名維那兜高二万二千里廣亦二万二千里第八寶山名遮迦和高万二千里廣亦万二千里後水稍稍減

乱風四面來吹其水上生厚沫化為厚土因成地深六百八十万由旬其邊不可限乱風大起吹掘損其地大深三百三十六万里長亦三百三十六万里天下諸水皆流歸之正滿因成大海海水何故鹹鹹一味有三事一者海中有大魚身長四千里者八千里者万二千里者万六千里者二万里者二万四千里者二万八千里者三万二千里者皆清淨海海中故海水鹹二者雲起覆諸海放大雨其雲上至阿迦左吒天放雨大如車軸

大樓炭經第五卷 第十九張 曉

洗蕩須弥陀稱諸天宮阿答和天阿比波天首陂左天惟呵鋒天阿陂陂天梵迦夷天下至四王天其鹹水悉流入大海故海水鹹一味復次昔者得仙道人能呪呪使海水鹹一味故海水鹹一味是為三事

佛言天地共遭水灾變時天下人施行皆為衆善好喜為道德死後精神魂魄皆上第十六天上為天人泥犁中人諸有含血喘息蠕動之類死皆歸人形復為衆善之行好喜為道德死皆上第十六天上為天人阿須倫天人及第一天上人以至第十五天上人皆終已其精神魂魄來下歸人形施行積為衆善好喜為道德死皆復上第十六天上為天人然後天下人乃盡久久大雲復起上行至故第十五天上其雲下大沸灰雨其滂大如車軸天雨沸灰如是久久數百千万歲諸四天下八万城諸大山及須弥山從第十五天上以下至四天下皆糜爛消滅盡無餘聲如以脂膏之汁置大火中即無烟焰矣誰當信此言

大樓炭經第三卷 第二十張 曉

者獨有得自然之道者乃信之耳此謂天地遭水灾變時破壞終亡之要也天地終亡破壞已後得更始生之法如遭火灾變時更生同法始從第十五天上起成下至第一天上及阿須倫天及造作四大天下及八万城諸大山及須弥山日月星宿乃見下及天下諸所有万物至造竟鐵圍大山此所謂天地遭水灾變時破壞終亡後更始根本要也佛言天地共遭大風灾變時天下人施行有仁平善慈仁常孝順皆好喜為道德死精神皆上第十七天上為天人泥犁中人及諸有含血喘息蠕動之類死皆歸人形皆復為衆善之行皆好喜為道德死精神魂魄皆上第十七天上為天人阿須倫天及第一天上人以至第十六天上人皆終亡精神魂魄來下歸人形施行積為善喜好為道德死皆得上第十七天上為天人然後天下人乃盡索久久大風起名曰來柯沙上行至故第十六天上閃壞敗破散消滅上悉盡之無餘聲無響久久如是

大樓炭經第五卷 第二十一張 曉

大樓炭經卷第六

西晉沙門法立共法炬

譯

天地成第拾三

大風吹盡第十六天上人本所居處了盡下至阿須倫天無餘辟如大風吹微善隨澍消散微盡誰當信此言者獨有得自然之道者乃信之耳大風復吹破壞消滅盡天下日月所照中万物四大天下及八万城諸大山及須弥山盡竟鐵泰山皆糜消滅亡盡盡索無餘復辟如大風吹微隨澍消散微盡無餘矣天地共遭大風災變時竟一劫後復更始生之法復如遭火災變後復更始生一劫成竟此所謂天地共遭大風破壞終亡以三品復更始生亦以三品誰當信此言者獨有已得自然之道者信之耳天地共更始生如始遭火災變時後復更始生乱風復起造作之患竟後第十五天上人其薄祿者来下患填滿十一重天人所居上下悉充滿及阿須倫天在須弥山四面本故所居處悉皆充滿

大樓炭經卷第五

癸卯歲高麗國大藏都監奉

勅雕造

大樓炭經卷第五 第三十二卷

佛語比丘天地破壞更始成之後人皆在第十五阿衛貨羅天上其天上人以好喜作食各自有光明神足其壽甚久長佛告比丘時其水滿天下地亦無一月半月亦無星宿無有晝夜亦無一月半月亦無年歲窮窳冥冥無所見天地成之後彼天人福德薄祿命欲盡者從阿衛貨羅天上来下遊此間地亦以好喜為食各自有光明神足飛行在其人間壽甚久長時天下人甚端正姝好不別男女亦不可別君長庶民人但共眾俱遊還佛語比丘時地上自然生地味譬如白酥上肥其地味色如是也其味譬如蜜時有一異香味人心念言我欲試以指取地味嘗之知何等類其人便以指取地味嘗之甚喜嘗之如是當三三反逐喜即後撮滿手食之餘人見已便効以手撮取地味而食之人食是地味之後身即廣堅面色變赤亡失光明神足

不能復飛行止天下復如故天下窳窳冥冥天下窳窳冥冥之後法當有大黑風起吹入大海水深三百三十六万里取日月大城郭上須弥山連百六十八万里著日月城郭道中用是因緣天下有日月也亦時日大城郭從須弥山東出繞須弥山王西入圍繞復從山東出繞須弥山西入時人有言是昨日也或有人言非是昨日者曰城郭復從須弥山東出如是三反繞須弥山西入亦時人言是昨日也或有言非是昨日也曰城郭復從須弥山東出如是三反繞須弥山西入亦時人言是昨日出者也是故謂言日也有三事一者出照現城郭二者沒不現其宮殿正四方其光明照周帀是故圓以天金水精淨潔作城郭彼二分一分者清淨金無瑕穢無垢濁光明照耀一分者水精潔淨無瑕穢無垢濁放光明曰大城郭廣長各二千三百里高下亦等城中有金樓觀宮殿名閻浮清淨高六百四十里廣亦六百四十里閻浮

撐觀宮殿中有日天子坐廣長各二十里以天七寶金銀琉璃水精赤真珠車渠馬瑙作之曰天子一身皆出光明照閭浮宮殿閭浮宮殿之光明照大城郭大城郭之光明下照四方曰天子不念言我為行不行也常以五樂自娛樂快樂天子有無央數天在前導導快樂無極前後導從御行是故謂為御曰天子其城郭以七寶作七重壁七重欄檻七重交露樹木園觀浴池有青黃赤白蓮華中有種種飛鳥相和而鳴曰天子壽天上五百歲子孫子孫相襲代極竟畢一切曰天子城郭下出五百光明周而復有五百光明是為千光明善因緣所致何從得千光明善因緣以何致之用照天下令人民見其光明以能成為諸事何以故人民見其光明以能成其諸事耶若有布施與沙門道人及貧窮乞食者衣被飲食車馬六畜香熏花牀卧房室舍宅燈火所求索即疾與不逆人意常不斷截無厭極施一心施後不悔也令道人清淨奉真法

大樓炭經第六卷 第三張

歡喜用是使安隱意定得無央數善行譬如轉輪三初立為尊其意歡喜無央數佛言如是也若有人布施沙門道人及貧窮乞食者衣被飲食車馬六畜香熏花牀卧房室舍宅燈火所索不逆人意不斷一心施後不悔令清淨道人奉真法用是歡喜使安隱意得無央數善行其人命盡死往至安隱家即生日天子所便疾得持日城郭其光明照下四方矣是謂為千光明以善因緣所致復何從得千光明善有十因緣一者不煞生二者不盜三者不犯他人婦女四者不妄言五者不飲酒六者不惡口罵詈詈七者不兩舌綺語八者不嫉妬九者意不瞋恚十者正見以無央數心念善慈仁身死即生日天子所自然得持日城郭是為千光明善因緣所致復何從得千光明善因緣一者不煞生二者不盜三者不犯他人婦女四者不妄言五者不飲酒意行無央數善慈仁僻如好地四徽道中有沁池清涼水濡且美同市種種樹若有人

大樓炭經第六卷 第四張

從暑熱中來飢渴極人入浴池中洗浴飲其水彼人意念無央數歡喜佛言如是也其有不煞盜婬妄言飲酒意念無央數善身死得生日天子所則疾得持日城郭是謂以善因緣所致千光明之耀也何以故曰大城郭令天下為秋冬寒用十二因緣故何等為十二一者須弥山中間長三百三十六万里生青蓮華紅蓮華黃蓮華白蓮華甚眾多大香好日大城郭光明照中為奪其光用是因緣故令曰大城郭寒為秋冬是為一事二者阿羅陀山中間長百六十八万里其中生青紅黃白蓮華甚眾多大香好日大城郭之光明用是故令曰城郭寒是為二事復次俞安山中間長八十四万里其中生青紅黃白蓮華甚眾多大香好復持日大城郭之光明是故天下寒是為三事復次善見山中間長四十八万里中生青紅黃白蓮華甚眾多大香好持日之光明是故令天下寒是為四事善見山外次有阿抄波山中間長二十四万

大樓炭經第六卷 第五張

里五阿抄波山後有屋弥陀山中開長十二万里六屋弥陀後次有比鄰山中間長四万八千里七比鄰山後次有鐵圍山長二万四千里其日大城郭之光明用是故令天下寒為秋冬是為八事復次天下流河掬其日大城郭之光明是故日大城郭寒為秋冬是為九事復次其河水東流向閭浮利者少流行向俱耶居天下者多便掬日大城郭之光明用是故天下日寒是為十事

復次河流向俱耶居者少流向帝于逮者復多復掬日大城郭之光明故天下寒是為十一事

復次河流向帝于逮者少流向鬱單日者復多彼復掬日大城郭之光明大海水掬日大城郭之光明是故天下日寒有秋冬是為十二事何因緣日大城郭熱為春夏有十事何事為十一者須弥山王其邊有山名阿多高百六十八万里廣亦百六十八万里其邊無限甚殊好七寶金銀琉璃水精赤真珠車渠馬瑙作之彼掬其日

大經疏第六卷 第三十

大城郭之光明用是故天下熱是為一事復次阿多山外有山名伊沙多高八十四万里廣亦八十四万里其邊無限甚殊好皆以七寶作之掬其日大城郭之光明用是故天下熱是為二事復次伊沙多山外有山名喻安陀高四十八万里廣亦四十八万里其邊無限甚殊好皆七寶作之彼復掬日大城郭之光明天下熱是為三事復次喻安陀山外有山名善見高二十四万里廣亦二十四万里其邊無限是為四事復次育山名阿抄居高十二万里廣亦十二万里其邊無限五事復次有山名泥弥陀高四万八千里廣亦四万八千里其邊無限六事居弥陀山後次有山名比鄰頭高二万四千里廣亦二万四千里其邊無限七事次外復有山名鐵圍高二万二千里廣亦二万二千里其邊無限皆以七寶作之曰大城郭之光明皆照其上也是故天下熱有春夏是為八事復次從此高四十万里有天神舍以水精作之在虛空中大風制持行之許如浮雲

大經疏第六卷 第三十一

矣天下之皆共名之為星宿其大者圓七百二十里中者圓四百八十里小者圓二百四十里曰大城郭之光明皆少彼用是因緣故天下熱是為九事復次天下地掬日大城郭之光明用是故天下熱為春夏是為十事日大城郭有常持風五品一者持風二者住風三者助風四者轉風五者行風是為五共轉行日大城郭未曾休息時也佛言余時月大城郭出繞須弥山東行西入光明感神稍減是故名為月月有二事光明周而照四方其大城郭四方正圓光明周而正圓月城郭以天銀琉璃造作之也月大城郭廣長各千九百六十里高下亦等城中有月天子天琉璃宮殿高六百里廣亦六百里中有天子坐廣長各二十里以七寶金銀琉璃水精赤真珠車渠馬瑙作之月天子身一切皆出光明照宮殿光明出照大城郭城郭之光明下遍照四方月天子不自念言我行不行常以天五樂娛樂快樂月天子前後導從諸天無央數百御行常

大經疏第六卷 第三十二

快樂歡喜故名爲御也月天子壽以天上五百歲子孫子孫相襲代其城郭壁以七寶作七重欄楯七重交露七重行樹樹木周匝圍繞皆以七寶造之有園觀浴池中生青黃白紅蓮花種種飛鳥相和而鳴月天子下有五百光明周匝復有五百光明月爲千光明善因緣所致千光明善因緣何從得若有布施沙門道人及貧窮乞食者衣被飲食車馬六畜香熏華房室舍宅燈火所索不逆人意一心布施後不悔令清淨道人奉真法安隱得無央數善行譬如轉輪王初立爲王時意歡喜無央數佛言如是若有布施沙門道人及貧窮乞食者衣被飲食及衆用者令德無央數安隱歡喜其人命盡死即生月天子所則疾得持月大城郭是故謂其千光明以善因緣所致復何從得千光明善因緣若有於是不然盜姪不妄言綺語惡口罵詈兩舌不嫉妬意不瞋恚愚癡行十善事意常歡喜無央數辟如好地四微道中有浴池水清淨滯且美周匝有樹若有人飢渴從

大樓炭經第六卷 第七卷 跋

暑熱中來入中洗浴飲食之意歡喜無央數佛言如是若有行十善事者身死即生月天子所則疾得持月大城郭也是謂爲其千光明以善因緣所致矣復何從得千光明善因緣若有不煞生不盜竊不犯他人婦女不妄言不飲酒其人歡喜身死便生月天子所則疾得持月城郭是謂以善因緣所致千光明六十彈指頃爲切七尺縷切二十一尺爲一時百彈指爲切十尺曰大城郭曰稍稍南者行六十里盡百八十里乃復北還竟百八十里也曰行百八十里者月行十五日即復到矣閻浮利日中時東方弗于逮便冥西方俱耶尼則初出北方鬱單曰則夜半也俱耶尼日中時閻浮利即冥鬱單曰曰初出弗于逮夜半也鬱單曰日中時俱耶尼則冥弗于逮曰初出閻浮利即夜半也弗于逮日中時鬱單曰則冥閻浮利曰初出俱耶尼則夜半也如是閻浮利人曰中東方弗于逮天下人冥西方俱耶尼天下人日出鬱單曰天

大樓炭經第六卷 第十卷 跋

下人夜半俱耶尼人日中便閻浮利人冥鬱單曰天下日出弗于逮天下人則夜半也佛言月何因緣稍稍現缺減有三事故缺何等爲三者角行故稍稍現缺減是爲一事二者月大城郭邊有天青色青衣被瓔珞亦青所可侍面止頰其面則現缺減是爲二事三者曰大城郭以六十光明照月大城郭之明所照面其面則現缺減是爲三事曰奪月光明故月何因復現滿具足有三事何等爲三者月稍行三方用是故月稍現滿是爲一事二者月十五日則諸青色青衣天人入月城中共相娛樂彼時月皆以光明照諸天人譬如衆燈中央然大火其火皆曜衆燈佛言如是月大城郭邊諸天其色青及衣青者月十五日時入與月天子俱相娛樂其光明照諸天人用是故十五日現滿是爲二事三者月十五日時日以六十光明照月大城郭月不受用是故月現滿是爲三事月大城郭有常持風五品何等爲五者持風二者位

大樓炭經第六卷 第十一卷 跋

風三者助風四者轉風五者行風是為五風常共行月城郭未曾有休息也月中何因復現乳色也有樹名閻浮利是故名此天下為閻浮利其樹下有山皆以七寶作之高八百里周幣亦八百里其樹高四千里周幣二千旦圍五百六十里根深八百四十里其影照現月中故使月大城郭現乳色不明佛告比丘言族姓子作行當如月照天下棄捐貢高之心遠離種種常懷慙愧之意閻浮利大樹上其實辟如大瓶其味甜如蜜其色白如酥肥閻浮利大樹北有七重山七重樹有七波羅門仙人精舍佛言今時諸人民食其地上味以自生活如是食是地味甚久長壽命無極其有食地味多者面色變惡食少者面色善好其好顏色者便自貢高形笑惡色者以色自貢高相形笑故其地味便滅不復生更自然生薄餅其味甚香美不如前地味人共會議愁憂自擗呼嗟啼哭思念前地味甚美而亡失之佛言辭如此間人有甘

大樓炭經第六卷 第十二張

美味與人嘗之便言其味一何美耶貪其味無已今時人如是共會議愁憂自擗呼嗟啼哭思念前地味時人則復取薄餅食之以自生活如是甚久長其有食地薄餅復多有顏色變惡其食少者顏色善好其好顏色者示笑惡色者以色自貢高相形笑故其地薄餅則復不復生更生波羅其味亦香美不如前薄餅味辭如結加藍華其味如蜜今時人共會議愁憂自擗呼嗟啼哭思念前地薄餅味人便取波羅味食之以自生活其壽命甚久長其食波羅味多者顏色變惡惡食之少者顏色善好其好色者以色自貢高相形笑所致地波羅便不生更自然生粳米其味亦香美味好種種清淨一切味不如波羅味人共會議愁憂呼嗟啼哭念前波羅味自擗呼嗟如此間人更毒痛法呼嗟啼哭彼時人如是也今時人取食自然粳米食自然粳米之後天下變為男子女人各各相觀便起姪欲之意行屏屢共作不淨行為穢濁之法矣

大樓炭經第六卷 第十三張

然者見之便言汝何作非法事乎人寧當相向作是事耶遠其人去不與談語至二三月然後方呼來相見言昔者人無所著今者人稍有所著後便持童女嫁與夫歌儻戲笑稱願夫時常使安隱也今時人非法著姪欲行非法姪欲之後便造舍宅用是非法故初起舍宅佛於是說偈言初時造暗波圖次起波羅奈城用是日出光明然後乃作羅闍今時人民遂非法著姪欲彼從第十五阿衛貨羅天上人其福德薄祿命盡身死來下人間入母腹中成胞胎用是故女人始懷妊生男女時人民共食是清淨粳米以哺時往取粳米更至明旦續如故明旦往取之至暮其粳米生亦如故佛言如是人朝暮獲取粳米隨生隨如故不覺所獲取處今時有一人心念言我朝暮往取清淨粳米疲勞不如頻取二日粳米便往取之餘者見之呼共往取粳米報言我已持二日粳米來卿自隨取之今時其人便善之言彼人甚快乃

大樓炭經第六卷 第十四張

往取二日粳米我當復往取二三曰粳米也餘人復見言共去取清淨粳米其人報言我已取二三曰粳米卿自隨意取彼人聞之則善之自念當往取四五日粳米卿即往取四五日清淨粳米來用人相効往取清淨粳米多故然後更生莖穰粳米所取即有慶不復生余時人民皆聚會共議愁憂不樂自椎搏啼失呼嗟言我昔者以好喜為食身有光明飛行神足立安隱時地自然生地味甚香美其色辭如白酥肥其味如蜜其愚者取而食之即相效取地味食之皆亡失光明神足其食多者顏色憂患其食少者顏色善好顏色好者便自貢高形笑惡色者以相形笑故地味即沒不復生更生薄餅薄餅沒後復生波羅波羅沒盡更生粳米以貢高相形笑故至使令清淨粳米所取即有慶不生當共分地作畔畧用是故天下人更行未曾有法便共分地作畔畧各耕種余時愚人自有粳米便行盜他家粳米其主見之便言卿所為非所為

大樓炭經第六卷 第三十六卷

非法自有粳米不取反行盜他人粳米乎卿後莫復作是事也其人如是三反自置粳米盜他家粳米其主復見之即復言卿所取大非自置粳米反盜他家如至五三便以手推擊牽將去至聚落坐眾人評議言此人自置粳米反行盜他人其盜者對眾人言此人以手推擊我眾人便共會議愁憂不樂自椎搏啼失呼嗟言今世間遂生惡不善之法愁結日成惡苦一人燒已燒已命以有老病死惡道之事人便現受取之事遂相撻捶見已即自訟事眾人便共議當於何所得賢者共立為君長典主所為我等所作從其取決若有作非法者當誅罰之我等所種粳米各各當共輪衣食余時彼眾會中有人最大尊端正姝好威神魏魏眾人便白其人當為我等典主作君長所為從其受言教若為非法者即當誅罰之也我曹種所收粳米各各供給君衣食是人即言諾便共立為君長典主一切所為從其受教若為非者即誅罰之人所

大樓炭經第六卷 第三十六卷

種粳米各各共輸入典主一切教令人民号曰大王以法取租故名為刹利用是故天下始起刹利種天下所有國皆屬大王時是閻浮利地地平正無山陵嶺谷無有荆棘亦無蚊虻豳蟲亦無礫石地棄捐明月珠玉琉璃金銀大王治閻浮利天下時天下富樂熾盛安隱五穀豐熟人民眾多地佳好水亦饒多辟如蕪麻油漆地不起揚塵生青草眾多周匝正圓其色辭如孔雀尾其香如香香也柔濡如綿繩足蹈上陷入地四寸舉足即還復如故地無四寸空缺處有香樹璚瑤樹衣被樹不息樹實樹器樹音樂樹樹生華實劈之各各出種種所有中有高七聲下至六五四三二一聲者最卑者高半聲大王治天下時閻浮利有八万郡國人民聚落居難鳴者展轉相聞天下無病亦不大熱亦不大寒復無飢渴人大王以法治行奉十善事遍教天下人民使行如父愛子天下人民敬王如子敬父大三有子名曰真真王有子名曰齊齊

大樓炭經第六卷 第三十六卷

王有子名曰頂生頂生王有子名曰遮
留遮留王有子名和行和行王有子
名留至留至王有子名曰日王有子
名波都波都王有子名大波都大波
都王有子名沙竭沙竭王有子名大
善見大善見王有子名提炎提炎王
有子名捺捺王有子名迷留迷留王
有子名摩留摩留王有子名精進力
精進力王有子名堅賤堅賤王有子
名十車十車王有子名舍羅舍羅王
有子名十丈十丈王有子名百丈百
丈王有子名都和檀都和檀王有子
名真闍真闍王有子名波延後諸王
甚衆多諸轉輪王有十種姓一者姓
迦奴車二者姓多盧提三者阿波四
者捷陀利五者迦陵六者遮波七者
拘犍八者般闍九者弥尸利十者一
摩弥是為十種姓迦奴車有三多留
亦有五阿波有七捷陀利亦有七迦
陵有九遮波有十四拘犍有三十一
般闍有三十二弥尸利有八万四千
摩弥有百一然後有王名大善生人
呼為伊摩伊摩王有子字烏獵烏獵
王有子字不尼不尼王有子名師

子師子王有子名悅頭檀悅頭檀三
有子名悲這菩薩悲這菩薩有子名
羅去佛言以是因緣從昔至今起剎利
種余時人民念言我為著疾病著腫
著瘡我欲棄一切著往入空閑處室
中坐即棄捐著疾病腫瘡往入空閑
處坐思念道今日早起明旦日早起
行入丘聚分衛人民見之皆歡喜與
之人民便言善哉乃棄捨疾病腫瘡
捐一切著往入空閑處坐思念道
佛言此輩但行惡不善之法是故謂
言婆羅門也余時彼人不能坐禪念
道亦不能得禪用不能坐禪得禪故
從坐起入聚落中分衛呪願說言不
能坐禪亦不能得禪共邪行入丘聚
分衛故名為聚也行邪法故名為和
沙羅是故世間初造起婆羅門種也
時人民各各奉行種種法用是故世
間有二師種彼時人各各犯煞生用
是故謂言煞生種也是以因緣世
間初造有煞生也用世間已造起
是四種故然後世間乃起第五沙門
種也若剎利種身行惡口言惡心念

惡行是惡已後身死墮勤苦中婆羅門種工師種煞生種亦如是若身行惡口言惡心念惡身死墮苦中刹利種若身行善口言善心念善身死復墮樂處婆羅門種工師種煞生種其有身行善口言善心念善身死復墮樂處刹利種婆羅門種工師種煞生種若身行二事口意行二事身死墮苦樂中刹利種若有除鬚髮被袈裟信道棄家行作沙門奉行三十七品經行是已善男子善女人用信道故棄家行作沙門行無上清淨事現在不久自以切德作證念道行盡生死具足梵行所作已辦不復更餘事婆羅門種工師種煞生種若有除鬚髮被袈裟行作沙門奉行三十七品經用善男子信故捨家作沙門修無上清淨事現在不久自以切德作證念道行盡生死具足梵行所作已辦不復更餘事也是四種人有起成惠之行者得尊無所著阿羅漢也梵三鉢天亦時偈說言

刹利種為人尊 諸人民行種姓

從起信成惠行 赦天上人中尊
彼梵三鋒天受是偈不受惡說善事
不說惡言勸助是佛言我如來無所
著等正覺亦說是義偈

諸人民行種姓 刹利種為人尊
從起得成惠行 彼天上人中尊

佛說是經時八万四千天人遠塵離
垢諸法眼生無央數比丘起無餘不

受生死意得解脫佛說如是比丘歡

喜前為佛作礼而去地深二十億万

里從是已下復有地味二十億万里

下復有栗金二十億万里下復有剛

鐵二十億万里下復有水八十億万

里下復有風五百二十億万里乃復

有下方異天地從是人間上至梵天

亦五百二十億万里

問曰何以正名為劫劫報曰劫名為
災壞時有四時因緣一者久在地盡
便火起二者久火盡便水起三者久
水盡便風起稍生後天地成從成復
敗如環無端緒故名為劫久極天地
運盡時一切人罪盡者皆上生梵天
上其天近是時有罪者未竟者復生

他方佛國天下惡道中劫所以有起
盡者現非常敗故其事亦自應尔
若死是起盡不知苦已不知苦亦不
知求道何以故盡火起故何以故盡
水起故何以故盡風起故何以故盡
地起故

佛

大樓炭經卷第六

癸卯歲高麗國大藏都監奉
勅雕造

大樓炭經卷第六 第三十段